

明史彙

志第一

光祿大夫 經筵講官明史總裁戶部尚書加七級臣王鴻緒奉
敕編撰

天文一

儀象

極度日晷

黃赤宿度

中星

分野

天變

日食

日變

月變

月犯五緯

司馬遷世太史氏其書遠有傳敘天官五官日行月行五緯
之出入列宿之分野以及日暈星占雲氣發凡舉要辭簡義
該李淳風術數之學通乎神明唐修晉史淳風與焉天體折

三說之衷儀象推兩極之度三垣列舍七曜客妖標示精確核而不漏蝕暈奄狃雜占成驗考據詳明信而有徵後世言天文者未有越二家之範圍也明萬曆間西洋利瑪竇等入中國其學漸興於二極南北反測量儀器之說皆往代所未聞崇禎初嘗開西局令大學士徐光啓參政李天經等前後共董厥事用以資推算之一助而卒守郭守敬遺法未嘗變更今志明事悉從明舊光啓天經所奏聞者存之以備參考利瑪竇之書略舉一二其謂四元行地小星大存而弗論考異元年改劉基爲太史院使洪武元年又徵元太史院使張佑等十四人創業之利卽以天文爲重歷代相沿無所發明嘉靖三年光祿少卿管欽天監事華湘言三垣曰天市明

位也曰太微朝廷位也曰紫微宮寢位也天市歲臨也

日臨之紫微朝夕在焉七曜必遵黃道歷天街咸一受

微而出猶大臣受天子之命於朝以行其職也二十八

列四方各守其野率諸經星以共紫微之帝猶郡國有司

治其職安其人民以承天子也二十八宿者蒼龍白虎朱

元武各七宿也角主發育萬物亢曰疏廟氏爲天根房天子

之後寢鍵閉鈞鈴兩咸以防淫而謹內也心天子象言心爲

人之主也尾主后妃敘御於主所受之以箕示婦道也五星

聚箕尾而有天寶之亂斗主薦賢受祿斗爲器量所以斟酌

也民事莫重於耕織故牛女相聯牛農丈人耕具驪珠女獻

工也天田九星象井田狗天雞教樹畜也羅堰九坎天淵言

農桑者先水利也北陰也故虛與危主死喪危禍事室以農
舉而見故主營建宮室事壁圖書之祕府奎天子武庫婁主
蕃牧犧牲以供祀事自室以至於婁天子之宮館苑囿在焉
胃藏五穀之府昴主刑獄又名旄頭占異域順逆舉主邊兵
昴畢之間有天街分內外也參中三星中軍其中大將苟參
謀也二肩左右將軍二足前後將軍觜行軍之藏府井主水
泉主水衡法令平中之事物之平者葦如水故營國制城畫
野分州皆取象焉鬼主內外祠祀事柳主草木又爲天廚主
燕饗事星爲文明之會主衣裳文繡張主珍寶宗廟用器
天子之樂府也軫主車騎任戰具以凌犯守留芒角地食各
以類占如此考漢張衡靈憲篇謂星宿中

二十有四可名者三百二十爲星二千五百微星萬有一
五百二十視巫咸甘石諸家備矣乃大統依見界紀星總
爲三垣二十八宿二百八十餘座至近南極三十六度諸星
從未有及見者用是缺而不備焉崇禎間禮部尚書徐光啓
上見界總星圖以爲回回曆立成所載有黃道經緯度者止
二百七十八星其繪圖者止十七座九十四星亦無赤道經
緯今皆崇禎元年所測黃赤二道經緯度分畢具凡有測而
入表者千三百五十六星所分大小等次遠近位置紆直形
勢悉與天象相合至若舊圖中南天田六甲天柱天牀等皆
茫昧不成位座又如器府天理八魁天廟等按圖索之了不
可得其近處多有微星或牽合成形以補苴空缺耳光啓蓋

用西洋法繪圖立表其說謂恒星本行以黃道爲天之中內
外諸象總有六十經黃道者十二宮在內者二十一象餘皆
在南或橫彷彿人物而取其名或因性情相類而借其號又古
未詳南極之星止四十八象卽盡中國之見界西洋人多遊
赤道以南往往見南極以下諸星因以南極爲界增象得滿
六十焉其所謂六十象者分爲十二宮其宮名及起白羊戌
宮悉本回回曆一曰白羊爲降婁之宮壁奎婁天廚天鉤造
父王良附路閣道騰蛇車府天廐右申公外屏天困天漚
天倉天苑天園共九十六星皆屬焉二金牛爲大梁之宮
婁胃昴畢少弼天廚上衛少衛天鉤王良策星客星閣道傳
舍天犬將軍大陵積尸天船卷舌天讒左更天陰天廩月星

天啓天囷天苑九州天團金魚共百三十二星皆屬三
陰陽爲實沈之宮畢附耳猪參伐少彌杆史勾陳天皇大帝
四輔八穀少衛上丞少丞華蓋天船積水卷舌五車西柱東
柱南柱天潢礪石諸王天街司怪餓天關天高水府參旗天
節土井九游九州軍井屏廁屎丈人子孫金魚共百六十三
星皆屬焉四曰巨蠚爲鶉首之宮井四瀆女史勾陳后宮天
樞少輔上衛內階二師文昌上台北河五諸侯燧積薪天鑪
水位南河闕丘參天狼軍市野雞孫弧矢老人共百七
星皆屬焉五曰獅子爲鶉火之宮鬼積尸氣柳星張帝星太子庶
子少尉上輔天乙天樞天璿天機文昌太陽天牢中台
內平軒轅御女酒旗少微外臺彗矢天狗天社共百三十三星

皆屬焉六曰雙女爲鶉尾之宮張翼左樞上弼尚書右樞天
槍玉衡開陽搖光相三公常陳下台郎位郎將周鼎軒轅長
垣少微西上相次相次將上將右執法五帝座虎賁太子內
屏明堂靈臺左執法謁者天相天記天社天舍海石共九十
一星皆屬焉七曰天秤爲壽星之宮翼軫右轄長沙左轄角
亢少宰上宰七公立戈招搖梗河大角左右攝提東上相次
相次將上將九卯天田平道進賢天門平星青丘庫樓馬尾
海山南船海石飛魚金魚共九十五星皆屬焉八曰天蠲爲
大火之宮亢氏房鍵閉鉤鈴天棰七公女牀天紀貫索河中
河間晉鄭周秦蜀巴梁楚梗河西咸日星障虛天鴈從官平
星庫樓衡柱陽門南門騎官騎陣將軍馬腹十字架室山水

南船小斗飛魚共百二十七星皆屬焉九曰人馬爲析木之
宮心尾神宮箕斗天棊女牀天紀魏趙九河中山屠市烏度
帝座候宗正宗人斛列肆燕南海車肆宋韓市樓天江東咸
傳說魚糠積卒杵地三角形異雀小斗孔雀共百九星皆屬
焉十曰磨蝎爲星紀之宮斗牛扶筐織女漸臺輦道左旗齊
吳越徐東海屠肆宗星河鼓右旗天弁建星天雞狗國天
淵繫九坎孔雀波斯蛇尾夾白共百二十星皆屬焉十一曰
寶瓶爲立枵之宮牛女虛危扶筐奚仲天津人星左旗敗瓜
匏瓜司非司危羅堰周秦代越齊楚魏韓晉離瑜司祿蓋屋
泣天壘城壘壁陣羽林軍天錢北落師門九坎敗曰鶴鳥喙
波斯火鳥蛇腹附白夾白共百十三星皆屬焉十二曰雙魚

爲娥瞿之宮危墳墓室離宮天廚天鉤天津騰蛇車府杵曰
土公吏雷電土公霹靂雲雨虛梁壘壁陣羽林軍天倉土司
空天圍火鳥水委蛇首共九十八星皆屬焉依黃赤道經緯
南北之度分宮列像釐爲六等共得一千七百二十五星其
所分之星有本係一名而分屬數宮者按度引繩劃劃割裂
若銖黍毫芒萬不爽一者然又謂衆星多向時斂十倍昴宿
三十七星鬼宿積尸氣其間有三十六小星三垣列舍諸星
有昔少今多昔多今少昔無今有昔有今無者蓋皆決之視
遠之鏡而云然也其所謂南極諸星曰南門之下有馬腹三
星馬腹西星曰十字架東南四星曰蜜蜂三座常隱天河中
南極有小斗如北斗形杓旁有二輔共九星南門之東三星

曰三角形三角南曰異雀十二星鯨星之下二十二星曰孔雀近孔雀曰波斯十一星其次爲鶴星十一星鶴下六星曰烏喙鶴東十一星曰火鳥南極邊有星曰蛇厥尾七首腹各四凡十五星老人之南曰金魚四星金魚近西有白氣類鬼宿積尸氣氣中三星曰夾白西一星爲附白又北白水委二星天社之南有五星曰海石海石下曰飛魚七星庫樓西南有四星曰馬尾馬尾之下六星曰海山小斗之魁其旁五星曰南船十二宮之內十宮皆有南極之星而金魚四星二屬金牛一屬陰陽一屬天秤其說如此其論雲漢曰天漢起東方尾箕間經龜魚傳說大江糠星天籥斜行連箕斗天弁河鼓左右旄西映天市之吳越自坤坻艮至宗人宗星而止其

大勢上絡天津至車府造父騰蛇王良附路閣道大陵天船
則漸下而南行歷卷舌五車諸侯天關司怪水府入東井過
四瀆闕丘天狗弧矢之墟迄天社海石之南踰南船帶海山
貫蜜蜂十字架傍馬腹而極於南門一星是爲帶天一周以
理推之近南極者固應尚有雲漢其所見當不誣也又按利
瑪竇之言謂天體有九重其最高曰宗動大自東而西左旋
次列宿天次垣星天次歲星天次熒惑天次日輪天次太白
天次辰星天最下月輪天俱自西而東右旋爲宗動大帶之
左旋與蟻行磨盤人行舟中之喻有相符者其謂列宿天二
萬四千四百年一周則歲差六十餘年一度之說唐順之用
勾股法論黃道歲差經度約百年差度半積六千年差一象

限萬二千年差半周天二萬四千年而爲一復瑪竇之言大略相仿其論天有南北二極地亦有之天分三百六十度地亦同之天中爲赤道自赤道而南二十三度半爲南道赤道而北二十三度半爲北道中國在赤道之北日行赤道則晝夜平行南道則晝短行北道則晝長故渾天有晝夜平道於中晝短晝長二道於南北爲日行之界地亦有三界對於下但天包地外甚大其度廣地處天中甚小其度狹凡直行北方者每二百五十里北極出高一度南極入低一度直行南方者每二百五十里北極入低一度南極出高一度地之東西南北一周各九萬里厚二萬八千六百七十三里又二十五分里之九上下四旁皆生齒所居渾淪一丸在天之內凡

足所履卽爲下凡首所戴卽爲上其專以身之所居分上下者皆昧於曠達之見者也以天度分地界自北而南爲五帶一在晝長晝短二界之間其地甚熱近日故也二在北極界之內三在南極界之內其地甚寒遠日故也四在北極晝長二界之間五在南極晝短二界之間其地謂之正帶寒暑和平日輪不遠不近故也由是以緯度定天下之縱視其緯度可以知各極之出地自赤道一線之界平分天下之中北至北極南至南極地在赤道以北主北極是爲北方在赤道以南主南極是爲南方凡同緯度之地其極出地之數同則四時寒暑靡不同若兩界距赤道之度同一離而南一離而北則四時之晝夜刻數皆靡不同惟時令相反此之秋律爲

此之夏彼爲冬耳以經度定天下之衡視其經度可以知兩處相離幾何辰蓋日行一日一周天每時行三十度而兩地相去三十度爲差一辰積一百八十度則晝夜相反焉其說與元史札馬魯丁地圓之旨略同

儀象虞書以璿璣玉衡齊七政周禮土圭正日景以求地中凡所以驗黃赤高庠經緯差忒也歷代相傳類有儀象浮漏表影諸器迨元作簡儀仰儀圭表闕几之屬制器彌精核矣明太祖平元司天監進所制水晶刻漏中設一木偶人能按時自擊鉦鼓太祖以其無益而碎之然其器不可廢也洪武十七年造觀星盤十八年設觀象臺於雞鳴山二十四年鑄混天儀成祖北遷未遑制作儀器不敗尚留舊都至正統二

年行在欽天監監正皇甫仲和始奏言南京觀星臺設渾天儀璿璣玉衡簡儀圭表以窺測七政行度凌犯遲留伏逆而北京乃止於齊化門城上觀測未有儀象乞令本監官往南京用木做造挈赴北京以較北極出地高低准驗然後用銅別鑄庶幾占象不失英宗從之明年冬乃造渾天儀璿璣玉衡簡儀於北京既成御製觀天器銘曰粵古大聖體天施治敬天以心觀天以器厥器伊何璿璣玉衡璣象天體衡審天行歷世更代垂四千禩沿襲有作其制寔備卽器而觀六合外儀陽經陰緯方位可稽中儀三辰黃赤二道日月暨星運行可考內儀四遊橫簫中貫南北東西低昂旋轉簡儀之作爰代璣衡制約用密疏朗而精外有渾儀反而觀諸上規下

矩度數方隅別有直表其崇八尺分至氣序考景咸得縣象在天制器在人測驗准步靡忒毫分昔作今述爲制彌工旣明且悉用將無窮惟君勤民事天首務民不失寧天其予顧政純於仁天道以正勒銘斯器以勵予敬渾天儀之制其質皆銅分別四柱以龍承之懸儀於上有銅毬象天圓體外綴二十八宿上刻御製銘至定時刻有漏換時有牌報更有鼓警晨昏有鐘鼓其器皆設於譙樓然是時雖造簡儀未刻度數其制亦未精善十一年監臣言簡儀無度數且地基卑下窺測日星爲四面臺宇所蔽圭表置露臺光皆四散影無定則壺漏屋低夜天池促難以注水調品時刻宜將簡儀修刻黃道等度數地基增高圭表壺漏俱如南京制更造晷影堂

以便窺測調品俱報可明年冬監正彭德清又言北京北極出地度數太陽出入時刻與南京不同南京北極出地三十六度北京出地四十度強南京冬至日出辰初初刻入申正四刻夜刻五十九夏至日出寅正四刻入戌初初刻晝刻五十九北京冬至日出辰初一刻入申正二刻夜刻六十二夏至日出寅正二刻入戌初一刻晝刻六十二各有長短差異今宮禁及官府漏箭皆南京舊式不可用有旨令內官監改造景泰六年又造內觀象臺簡儀及銅壺然漏箭雖改特以意稍損益之考驗北京度數不能盡符成化中尚書周洪謨復請造璿璣玉衡憲宗令自製以進十四年監臣請修測驗晷影堂工部因言觀象臺所製渾儀簡儀皆測候之器一時

竝作無諳曉者帝命取簡儀於內官監修理至弘治二年監
正吳昊言觀象臺舊制渾儀或亦二道交於奎軫與今之四
正日度乖戾其南北圓軸不合兩極出入之度鏡管又不
太陽出沒相當故難設而不用所用簡儀則郭守敬遺制
北極雲柱差短以測經畢去極亦不能無爽今宜改造
以赤黃二道環交於壁軫始與天合又言觀象臺所用渾
簡儀俱南京舊制兩立相去二千七百餘里去極高下不
且歲久推驗漸差請修改或別造以成一代之制事下禮部
覆議令監副張紳造渾簡儀木樣并黃道度分皆修改至
正德十六年漏刻博士朱和復言晷表尺寸不一難以準測
而推算曆數用南京日出分秒似相矛盾請勅大臣一員總

理其事鑄立洞表考四時日中之影仍於河南陽城察舊立
土圭以合今日之晷及分立圭表於山東湖廣陝西大名等
處以測四方之景然後將內外晷景新舊曆書錯綜參驗堪
成定法庶幾天行合而交食不謬疏上未報嘉靖二年修占
風杆及二儀七年始立四丈木表測晷以定朔氣由是欽天
監之立運儀正方案懸晷偏晷盤晷之屬其式具備於觀
臺一以元法爲斷萬曆中西洋人利瑪竇制爲渾象上海
光啓仁和李之藻皆信西法之藻演其說曰渾天之製設
平環名地平規周刻二十四向承以四柱立於四維下爲
字渠以水平之規之子午際稍刻入以受子午之規子
規在地平規內徑廣稍殺側立之令半出地平規上半人

平規下分爲三百六十度其南北鑽通二竅以受渾天南北極之軸此內又作二圓形徑相等而視子午規又稍殺一爲冬夏至規一爲春秋分規兩規十字相結際施鐵軸是爲南北二極可旋轉於子午規之內此二規相合其形正圓又一規則橫束於分至二規之半爲赤道規去南北極各九十度所爲帶天之紘也俱分三百六十度而自赤道中循冬夏至規南北各二十三度半之齡再設二次圓爲日行南陸北陸限又作一大圓徑同赤道爲黃道規以斜絡赤道之上南北盡結於小圓之齡此圖勻分二十四氣最南曰冬至爲景長候最北曰夏至爲景短候東交赤道者爲春分西交赤道者爲秋分皆晝夜平候若勻分三百六十五度有奇則可細列

宿度其南北極離二十三度半處又各作一小圓而於圓斷當冬夏至規際對貫一軸爲黃道軸最中作小圓爲地形外加一圓貫軸旋轉爲月輪規上施月游輪徑寸二度輪心正縮規上亦可旋轉以系太陰形轉之則爲九道此外一圓稍大亦貫軸內爲日輪規以系太陽形用此二圓可辨日月交食之理此皆渾天象也古四游六合諸儀大率類此而法有詳略今臺儀仍襲舊制有橫簫觀測而無日月地三形又北極出地鑄爲定度而無子午拱規以隨地度高下元史所載西域諸儀亦有綴銅釘通方窠以代橫簫或畫圓形周度而不具星宿者隨時消息皆可施用至論天體此實簡明焉崇禎二年光啓以禮部侍郎兼理曆法乃請造七政象限大儀

六列宿紀限大儀三平懸薄儀三交食儀一列宿經緯地球儀一萬國經緯地球儀一節氣時刻平面日晷三節氣時刻轉盤星晷三候時鐘三測候七政交食遠鏡三報允已又言定時之法當議者五事一曰壺漏二曰指南鍼三曰表臬四曰儀五曰晷壺漏水有新舊滑濇則遲疾異漏管有時塞持磷則緩急異定漏之初必於午正初刻此刻一誤靡所不誤故壺漏特以濟晨昏陰晦晷儀表臬所不及而非定時之本指南鍼術人用以定南北辨方正位咸取則焉然所得子午非真子午曩云多泊丙午之間以法考之各地不同在京師則偏東五度四十分昔漢武造晷冬至午正先天一刻四十分有奇夏至午正先天一分有奇若表臬者卽考工

記匠人置藥之法識日出

參諸日中之景以正方位

今法置小表於地平午正前後累測日景以求相等之兩長景爲東西因得中間最短之景爲真子午其術簡甚儀者本臺故有立運儀測驗七政高度臣用以較定子午於子午前累測日高度分至於長極而消則因最高之度卽得最短之景是爲子午南北真線至白晷依前儀器表臬南鍼三法參互考合務得子午卯酉真線四以法分布時刻加入節氣諸線卽成平面日晷又今時所用員石欹晷是爲赤道晷亦用所得子午線較定此二晷皆可得天正時刻所爲晝測日也若測星之晷實周禮夜考極星之法然周禮北極一星與真北極同壤今時久密移此星去極三度有奇舊法不可復用

故用重盤星晷上盤書時刻下盤書節氣展轉相加依近
二星用時指垂權測知天正時刻所謂夜測星也光啓
其事取旨行之七年督修曆法右參政李天經言輔臣光啓
言定時之法古有壺漏近有輪鐘二者皆由人力遷就不如
求端於日星以天合天乃爲本法特請製日晷星晷窺筒三
器臣奉命接管敢先言其略日晷者礮石爲平面內界線以
按節氣冬夏二至各一線春秋二分同一線其餘日行相等
之節氣皆同一線平面之邊週列時刻線從各節氣太陽出
入爲限又取準京師北極出地範爲三角銅表置其中表體
之全景以指時刻表中之銳景以指節氣雖舊法圓晷亦還
列時刻然非地平面亦無節氣出入之限似未若新法之兼

備且準此日晷之大略也星晷者治銅爲柱上安重盤內盤鐫周天度數列十二宮以分節氣外盤鐫列時刻中橫刻一縫用以窺星法將內盤本節氣運合於外盤子正初刻次從背而轉移對照得見帝星與勾陳大星共在一線之內卽從盤面視銳表所指卽本夜之宜時刻此星晷之大略也若夫窺筭亦名望遠鏡其制兩端俱用玻璃而其中層疊虛管隨視物遠近以爲短長不但可以仰窺天象且能映數里外物如在目前可以望敵施砲有大用焉至於日晷宜向南以取日景星晷宜向北以窺星光皆須措置得宜尤必預築臺基以便安頓帝命太監盧維寧魏國徵至局驗試日星二晷用法明年天經又奏旁通十事其十請造沙水等漏以知時刻

分秒沙漏之制本明初詹希元希元以水漏之竅爲冰澌所窒輒不能行故以沙代水然沙行太疾未協天運乃以斗輪之外復加四輪輪齒皆三十六犬牙相入遞轉益遲厥後周述學病其竅之太窄而沙易堙更相制之輪益以六共五輪悉三十齒乃微裕其竅運行始與晷協天經所請蓋其遺意云先是西洋人羅雅谷湯若望在酉局造測量六式一曰象限懸儀二曰平面懸儀三曰象限立運儀四曰象限座正儀五曰象限大儀六曰三直游儀又有地平經緯儀黃赤全儀二式又造二圭表一爲直表以取正景表直則爲平圭一爲橫表以取倒景表橫則爲立圭儀象之外又有百游儀弩儀天環星球紀限儀渾蓋簡平儀以及星屏諸器無慮數十種

而定日之高度與黃道各時之出沒者則有地平晷立晷通
光晷柱晷瓦晷椀晷十字晷未易悉數天經等不能盡用也
極度日晷明初仍元舊測驗二十七所東極高麗西至海池
南踰朱崖北盡鐵勒極度晷景二百餘年無所增損萬曆末
西洋人熊三拔以日表十二度度六十分測定北京北極出
地四十度強崇禎九年李天經測京師北極高三十九度五
十五分春秋分午正日景十度四分夏至三度三十三分冬
至二十四度四分南京北極出地三十二度半春秋分午正
日景七度三十九分夏至一度五十四分冬至十七度四十
七分山東北極出地三十七度春秋分午正日景九度三分
夏至二度五十三分冬至二十一度十三分山西北極出地

三十八度春秋分午正日景九度二十三分夏至三度六分
冬至二十二度六分陝西北極出地三十六度春秋分午正
日景八度四十二分夏至二度四十分冬至二十度二十三
分河南北極出地三十五度春秋分午正日景八度二十四
分夏至二度二十六分冬至十九度三十五分浙江北極出
地三十度春秋分午正日景六度五十六分夏至一度二十
二分冬至十六度十三分江西北極出地二十九度春秋分
午正日景六度三十九分夏至一度九分冬至十五度三十
八分瀾廣北極出地三十一度春秋分午正日景七度十三
分夏至十度三十五分冬至十六度四十四分四川北極出
地二十九度春秋分午正日景六度四十七分夏至一度十

六分冬至十五度五十五分廣東北極出地二十三度春秋
分午正日景五度六分夏至六分冬至十二度三十九分福
建北極出地二十六度春秋分午正日景五度五十一分夏
至三十一分冬至十四度三分廣西北極出地二十五度春
秋分午正日景五度三十六分夏至十九分冬至十三度三
十四分雲南北極出地二十二度春秋分午正日景四度五
十一分夏至十九分冬至十二度十三分貴州北極出地二
十四度春秋分午正日景五度二十一分夏至六分冬至十
三度六分又以直景倒景測定北京午正直景夏至三度三
十二分芒種小暑三度四十二分小滿大暑四度十五分立
夏立秋五度六分穀雨處暑六度二十三分清明白露八度

六分春秋分十度四分驚蟄寒露十二度二十六分雨水霜
降十五度五分立春立冬十七度四十七分大寒小雪二十
度四十七分小寒大雪二十三度三十分冬至二十四度四
分倒景夏至四十度三十一分芒種小暑三十九度十五分
小滿大暑三十三度五十三分立秋二十八度十六分
穀雨處暑二十二度三十四分清明白露十七度四十七分
春秋分十四度十八分驚蟄寒露十一度三十五分雨水霜
降九度三十三分立春立冬八度六分大寒小雪六度五十
六分小寒大雪六度冬至五度五十九分餘以出極高庫爲
例大抵晷表之法表短則分秒難明表長則景虛而淡且表
端測晷所得者日體浮游之景實非中景元創景符以銅葉

中穿一竅若鍼芥然至明以木代銅利於旋轉以隙縫代圓
窾易於得景後用正景倒景之法則更周密無遺矣

黃赤宿度崇禎四年湯若望言二十八宿宿度古今變易之
因蓋二十八宿不以赤道極爲本行之極而以黃道極爲極
故其行度時遠近於赤道極行漸近極七政過之其行則疾
行漸遠極七政過之其行則遲七政行度疾於恒星遠甚故
其近極之恒星在古覺遲在今覺速緣二道二極有參差非
七政有異行恒星有易位也茲以所定赤黃二道表列後

赤道古各宿度

今各宿度

六十分爲一度

依三百六十五度四分度之算

角十三度三十四分

十一度四十四分

十一度九十分四十四秒

亢九度三十九分

九度十九分

九度四十五分二十六秒

氏十六度一分

十大度四十一分

十六度九十二分六十六秒

房五度四十分

五度二十八分

五度五十四分六十四秒

心五度五十五分

六度九分

六度二十三分九十七秒

尾十七度四十五分

二十一度六分

二十一度四十分七十七秒

箕九度二十三分

八度四十六分

八度八十九分四十六秒

斗二十二度十九分

二十四度二十四分

二十四度七十五分五十八秒

牛六度五十九分

九度二十七分

九度五十八分七十八秒

女十度四十五分

八度三十分

八度六十二分四十秒

虛九度七分

八度四十一分

八度八十一分

危十五度四十七分

十四度五十三分

十五度十分四秒

室十八度

十七度

十七度二十四分七十九秒

壁十三度二十九分

十度二十八分

十度六十一分九十三秒

奎十三度五十三分

十四度三十分

十四度七十一分十五秒

婁十二度三十四分

十二度四分

十二度二十四分二十六秒

胃十五度二分

十五度四十五分

十五度九十七分九十六秒

昴十一度

十度二十四分

十度五十五分十六秒

畢十六度五分

十六度三十四分

十六度八十分八十二秒

觜〇度三十分

〇度〇分

〇度〇分

參九度二十二分

十一度四十八分

十一度九十七分二十二秒

井二十九度五十分

三十三度四十九分

三十三度二十九分五十二秒

鬼三度二十五分

二度二十一分

二度三十八分四十二秒

柳十二度二十一分

十二度四分

十二度二十四分二十六秒

星十一度三十分 五度四十八分 五度八十八分四十六秒

張十六度三十九分 十七度十九分 十七度五十六分九十二秒

翼十五度五十九分 二十度二十八分 二十度七十六分五十二秒

軫十八度二十九分 十五度三十分 十五度七十二分六十一秒

各宿黃道本度六十分為一度 以三百六十五度四分度之分算

角一十度三十五分 一十度七十一分七十六秒

亢一十度四十分 一十度八十二分二十二秒

氏一十七度五十四分 一十八度一十六分一十秒

房四度四十六分 四度八十三分六十二秒

心七度三十二分 七度六十六分一十秒

尾一十五度三十六分 一十五度八十二分七十六秒

箕九度二十一分

九度四十六分九十五秒

斗二十三度五十一分

二十四度二十九分七十八秒

牛九度六分

九度二十三分二十八秒

女一十度二十四分

一十度三十八分二十五秒

虛九度五十九分

一十度二十二分九十秒

危二十度七分

二十度四十一分一秒

室一十五度四十一分

一十五度九十二分二十一秒

壁一十三度一十六分

一十三度四十六分二秒

奎一十一度二十九分

一十一度六十五分八秒

婁一十三度

一十三度一十八分九十六秒

胃一十三度一分

一十三度一十六分六十五秒

昂八度二十九分

八度六十分七十一秒

畢一十三度五十八分

一十四度一十七分四秒

觜〇度〇分

〇度〇分〇秒

參一十二度五十四分

一十三度八分八十一秒

井三十度一十五分

三十度八十六分二秒

鬼五度三十分

五度五十八分二秒

柳一十六度六分

一十六度三十三分四十八秒

星八度二十三分

八度五十分五十六秒

張一十八度四分

一十八度三十三分一秒

翼一十七度

一十七度二十四分七十九秒

軫一十三度三分

一十三度二十四分三秒

中星古今遠近較異由歲差漸縮北極出地高卑不齊也崇

禎九年李天經同湯若望推兩京恒星出沒測定北京北極

高四十度

實三十九度五十分今舉成數

春分昏戌初二刻五分北河第

三星中旦寅正一刻一十分尾宿中清明昏戌初三刻十三

分鬼宿中旦寅正初刻二分帝座中穀雨昏戌正一刻七分

張宿中旦寅初二刻八分箕宿中立夏昏戌正三刻二分五

帝座中旦寅初初刻十三分織女第一星中小滿昏亥初初

刻十二分角宿中旦丑三刻三分斗宿中芒種昏亥初一刻

十二分大角中旦丑正二刻三分河鼓第二星中夏至昏亥

初二刻五分房宿中旦丑正一刻一十九分天津第一星中

小暑昏亥初一刻十二分尾宿中旦丑正二刻三分危宿中

大暑昏亥初初刻十二分箕宿中且丑正三刻三分室宿中
立秋昏戌正三刻二分箕宿中先天九分且寅初三刻十三
分奎宿中處暑昏戌正一刻七分織女第一星中且寅初二
刻八分婁宿中白露昏戌初三刻十三分斗宿中且寅正初
刻二分昴宿中秋分昏戌初二刻五分河鼓第二星中且寅
正一刻一十分畢宿中寒露昏戌初初刻十四分牛宿中且
寅正三刻一分參第四星中霜降昏酉正三刻十一分女宿
中且卯初初刻四分南河第三星中立冬昏酉正二刻一十
分虛宿中且卯初一刻五分鬼宿中小雪昏酉正一刻十三
分危宿中且卯初二刻二分張宿中大雪昏酉正一刻五分
室宿中且卯初二刻一十分翼宿中冬至昏酉正一刻二分

土司空中旦卯初二刻十三分五帝座中小寒昏酉正一刻
五分婁宿中旦卯初二刻一十分角宿中大寒昏酉正一刻
十三分天囷第一星中旦卯初一刻五分亢宿中立春昏酉
正二刻一十分昴宿中旦卯初一刻五分氐宿中雨水昏酉
正三刻一十分參第三星中旦卯初初刻四分貫索第一星
中驚蟄昏戌初初刻十四分天狼中旦寅正三刻一分心宿
中南京北極高二十二度春分昏戌初一刻十一分北河第
三星中旦寅正二刻四分尾宿中清明昏戌初二刻十三分
柳宿中旦寅正一刻二分帝座中穀雨昏戌正初刻一分張
宿中旦寅初三刻十四分斗宿中立夏昏戌正一刻三分翼
宿中旦寅初三刻十一分織女第一星中小滿昏戌正二刻

二分軫宿中且寅初一刻十三分斗宿中芒種昏戌正二刻
十三分亢宿中且寅初一刻二分牛宿中夏至昏戌正三刻
二分氏宿中且寅初初刻十三分虛宿中小暑昏戌正二刻
十三分心宿中且寅初一刻二分北落師門中大暑昏戌正
二刻二分尾宿中且寅初一刻十三分土司空中立秋昏戌
正一刻三分箕宿中且寅初二刻十二分奎宿中處暑昏戌
正初刻斗宿中且寅正初刻胃宿中白露昏戌初二刻十三
分斗宿中且寅正一刻二分昴宿中秋分昏戌初一刻十一
分牛宿中且寅正二刻五分畢宿中寒露昏戌初初刻十一
分牛宿中且寅正三刻五分參宿第四星中霜降昏酉正三
刻十一分女宿中且卯初初刻四分南河第三星中立冬昏

酉正二刻十四分危宿中旦卯初一刻一分鬼宿中小雪昏
酉正二刻六分北落師門中旦卯初初刻九分星宿中大雪
昏酉正二刻壁宿中旦卯初二刻翼宿中冬至昏酉正一刻
十四分土司空中旦卯初二刻一分五帝座中小寒昏酉正
二刻婁宿中旦卯初二刻角宿中大寒昏酉正二刻六分天
園中旦卯初一刻九分亢宿中立春昏酉正二刻十四分昴
宿中旦卯初一刻一分氐宿中雨水昏酉正三刻十一分參
宿第七星中旦卯初初刻四分貫索第一星中驚蟄昏戌初
初刻一十分天狼中旦寅正三刻五分心宿中

分野周禮保章氏以星土辨九州之地所封之域皆有分星
以觀妖祥唐貞觀中李淳風撰法象志因漢書十二次度數

以唐州縣配而一行則以爲天下山河之象存乎南北兩戎其說詳矣洪武十七年大明清類天文分野書成以十二分野星次分配天下郡縣通爲二十四卷頒賜秦晉二王其書大略謂晉天文志十二次分野始角亢者以東方蒼龍爲首也唐十二次始女虛危者以十二支子爲首也今以斗牛爲星分之首者日月星起於斗宿古言天者皆由斗牛以紀星故曰星紀則星紀爲十二次之首而斗牛又二十八舍之首也茲如其所配分星直隸府州縣及十三省布政司遼東都司衛府州縣次第列之斗三度至女一度屬吳越分揚州直隸應天府斗分星紀之次太平寧國鎮江池州徽州常州蘇州松江八府廣德州鳳陽府壽滁六安三州泗州之盱眙天

長二縣揚州府高郵通泰三州皆斗分淮安府斗牛之分廬
州府無爲州安慶府和州皆牛分浙江杭州湖州嘉興嚴州
紹興金華衢州處州寧波九府皆牛女分台州温州二府斗
牛分須女之次江西南昌建昌南康九江撫州臨江瑞州袁
州吉安贛州南安饒州廣信十三府皆斗分福建福州建寧
延平邵武汀州興化泉州漳州八府廣東廣州府皆牛女分
惠州府女分肇慶德慶南雄三府皆牛女分潮州府牛分雷
州瓊州二府崖儋萬三州高州府化州廣西梧州府皆牛女
分女二度至危十二度屬齊分青州山東濟南府危分玄枵
之次樂安府濱德二州皆危分泰安州青州皆虛危分萊州
府膠州登州府寧海州東昌府高唐州東平州之陽穀東阿

平陰三縣皆危分危十三度至奎一度屬衛分河北河南衛輝府室壁分媿訾之次彰德懷慶二府北平大名府開州山東東昌之濮州陶冠臨清三縣東平州之汶上壽張二縣皆室壁分奎二度至胃三度屬魯分山東濟寧府之兗州奎婁分降婁之次滕嶧二縣青州府之莒州安丘諸城蒙陰三縣濟南府之沂州奎分直隸鳳陽府之泗邳二州五河虹懷遠三縣淮安府之海州桃源清河沭陽三縣皆婁分胃四度至畢六度屬趙分北平直定府昴畢分大梁之次定冀二州皆昴分晉深趙三州皆畢分廣平順德二府皆昴分邠州山西大同府應朔渾源蔚四州河南彰德府之磁州山東高唐州之恩縣皆昴畢分畢七度至井八度屬晉分并州山西太原

府參分實沈之次石忻代平定保德岢嵐六州平陽府皆參
分絳蒲吉陽解五州皆皆參分霍澤汾三州皆參分潞沁遼
三州皆參井分井九度至柳三度屬秦分雍州陝西西安府
井鬼分鶉首之次同華乾耀邠五州鳳翔府隴州延安府鄜
綏德葭三州臨洮平涼二府皆井鬼分靜寧涇二州鬼分慶
陽府寧州鞏昌府階徽秦三州皆井分漢中府金州甘肅四
川成都府崇慶漢威三州皆井鬼分綿州皆分茂州重慶府
涪州皆井鬼分忠合二州參井分順慶府蓬廣安二州保寧
府劍州敘州夔州二府施潼川瀘嘉定雅眉馬湖龍松九州
普定芒布建昌三府柏興州德昌會川烏蒙烏撒東川阿都
六府平越軍民指揮使司雲南雲南府皆井鬼分嵩盟普寧

昆陽安寧楚雄鎮南南安七州威遠具東武定二府和曲祿
勸二州鶴慶麗江二府巨津通安蘭寶山四州曲靖澂江尋
甸普安臨安慶西大理永昌姚安廣南順寧車里元江鎮康
茫施十五府麓川平緬宣慰使司孟定府至蒙恰府皆井鬼
分柳四度至張十五度屬周分二河河南河南府柳分鷄火
之次陝州柳分南陽府鄧州皆張分汝裕二州汝寧府開封
府之鈞許三州湖廣襄陽府之隨均二州光化縣陝西西安
府之商縣華州之洛陽縣皆張分張十六度至軫九度屬楚
分荆州湖廣武昌府翼軫分鷄尾之次興國州荆州府歸蘇
陵荆門孫州黃州府蘄州襄陽德安二府安陸州沔陽府皆
翼軫分長沙府軫旁小星曰長沙應其地衡州府桂陽州永

州府全州皆翼軫分道州楚粵之分岳州常德二府澧州辰州府沅州漢陽府靖州三州寶慶府武岡鎮遠二州廣西桂林南寧二府橫州潯州柳州二府象賓三州慶遠平樂思明太平田州來安鎮安七府龍泗城利奉議四州梧州府之鬱林州懷集縣廣東連州廉州府欽州韶州府皆翼軫分軫十度至氏一度屬鄭分豫州河南開封府角九分壽星之次鄭州氏分陳州亢分汝寧府角九分光州懷慶府之孟濟源溫三縣直隸鳳陽府之潁州壽州之霍丘縣皆角九分氏二度至尾二度屬宋分徐州河南開封府之歸德州房心大火之次開封府之睢州杞太康儀封蘭陽四縣山東濟寧州直隸鳳陽府之徐宿二州壽州之蒙城縣潁州之亳縣皆房心分

尾三度至斗二度屬燕分幽州北平府尾箕分析木之次涿
通二州皆尾分霸州尾箕分薊州尾分保定府尾箕分易安
三州皆尾分河間府景州皆尾箕分永平府尾分灤州箕尾
分遼東都指揮司尾箕分廣寧大寧尾分興中尾分建州義
州錦中皆尾分朝鮮箕分

天變正德十一年七月巴陵見天裂東南長三丈嘉靖四十
五年八月華容見天裂隆慶二年八月甲辰絳州見西北天
裂自丑至寅乃合崇禎元年三月辛巳昧爽天色如血射牕
牖皆赤十年九月每晨暮天色赤黃名曰日空

日食交食有常度春秋二百四十二年僅書日食三十六者
史失之也凡明著紀二百七十七年日食百有十一建文天

啓兩朝缺焉洪武二年五月甲午朔四年九月庚戌朔六年三月癸卯朔七年二月丁酉朔八年七月己未朔九年七月癸丑朔十年十二月乙巳朔十四年十月壬子朔十六年八月壬申朔十九年十二月癸未朔二十一年五月甲戌朔二十二年九月丙寅朔二十三年九月庚寅朔二十四年三月戊子朔二十六年七月甲辰朔三十年五月壬子朔俱日有食之永樂四年六月己未朔日當食陰雲不見七年九月庚午朔十一年正月辛巳朔十三年五月丁酉朔十八年八月丁酉朔十九年八月辛卯朔二十年正月己未朔二十一年六月庚戌朔俱日有食之宣德五年八月己巳朔日當食陰雲不見七年正月辛酉朔十年十一月戊辰朔俱日有食之

正統八年六月甲申朔十一月壬子朔九年十月丙午朔十
年四月甲辰朔十二年八月庚申朔俱日有食之景泰三年
十一月己未朔五年四月壬午朔六年四月丙子朔俱日有
食之天順四年七月乙亥朔五年十一月丁酉朔七年五月己
丑朔俱日有食之八年四月己未朔日食不見成化三年二月
丁酉朔五年六月癸丑朔六年六月戊申朔九年四月辛酉
朔十年九月癸丑朔十一年九月丁未朔十二年二月乙亥
朔二十年九月乙酉朔二十一年八月己卯朔俱日有食之
弘治元年六月癸巳朔二年十二月甲申朔八年二月乙卯
朔十一年閏十一月壬戌朔十三年五月甲寅朔十四年九
月丙子朔十五年九月庚午朔俱日有食之正德二年正月

乙亥朔九年八月辛卯朔十年十二月癸巳朔十二年六月
乙巳朔十三年五月巳亥朔十六年三月癸丑朔俱日有食
之嘉靖四年閏十二月乙卯朔六年五月丁丑朔八年十月
癸亥朔十二年八月辛未朔俱日有食之十八年九月乙未
朔日食約二分十九年三月癸巳朔日食不及三分二十一
年七月巳酉朔二十二年正月丙午朔二十四年五月壬戌
朔二十八三年三月辛未朔俱日有食之三十二年正月戊寅
朔日有食之陰雲不見三十四年十一月壬辰朔三十五年
十月丙戌朔俱日有食之四十年二月辛卯朔日有食之微
陰不見七月巳丑朔日有食之凡五分五秒四十二年五月
壬寅朔四十五年四月壬戌朔俱日有食之隆慶元年正月

巳巳朔日有食之舊曆二年正月丁丑朔日有食之三年四月巳丑朔日有食之既恒星晝見五年閏八月乙酉朔午正日有食之約六十三秒陰雲不見八年二月辛未朔十年六月丁亥朔十一年十一月巳卯朔俱日有食之十五年九月丁亥朔日有食之陰雲不見十七年正月巳酉朔十八年七月庚子朔二十二年四月巳酉朔二十三年四月癸卯朔二十四年閏八月乙丑朔二十八年九月辛丑朔三十一年四月丁亥朔三十二年四月辛巳朔三十八年十一月壬寅朔四十年五月甲午朔四十三年三月丁未朔俱日有食之四十五年七月辛未朔日有食之陰雲不見崇禎二年五月巳酉朔四年十月辛丑朔七年三月丁亥朔七月乙酉朔九年

七月癸卯朔十年正月辛丑朔俱日有食之十二月乙未朔日有食之會土星十四年十月癸卯朔日有食之不盡如鉤十六年二月乙丑朔日有食之其當食而不食者凡四正統六年正月乙亥朔景泰二年六月戊辰朔萬曆十二年十一月癸酉朔二十一年十一月辛亥朔按邢雲路之言曰凡日食不及三分與不食同不救夜食亦爲不食然則不書日食者非盡由史失也

日變洪武二年十二月甲子日中有黑子三年九月戊戌十月丁巳四年正月戊戌竝如之五月辛巳日中黑子自壬子至是連三十日九月戊寅五年正月庚戌二月丁未七月未俱日中有黑子十一月丁未日暈上有背氣及兩

十一月戊戌朔七年二月庚戌至甲寅八年二月辛亥

癸未十二月癸丑俱日中有黑子十年正月己巳白虹貫

十二年四月庚申日交暈在秦分十四年正月壬子白虹貫

日珥二月壬午至乙酉日中有黑子九月甲辰白虹貫日十

五年正月丁未如之十二月辛巳日中有黑子十九年三月

己巳白虹貫日二十二年十二月戊午如之二十三年正月

壬辰日暈白虹貫珥二十八年十一月乙亥日上生赤氣五

丈青赤直背氣各一又生半暈二白虹貫兩珥已而彌天貫

日永樂十八年閏正月癸未日上生背氣旋生重暈兩珥及

黃白瑯氣一道洪熙元年正月乙未白虹貫兩珥復交暈七

月己丑日生左右四珥宣德元年正月丙申朔日生黃氣及

黃赤冠氣二月巳卯日生兩珥及交暈背氣三年三月庚寅
 日生交暈及兩珥背戟丁酉日生交暈及戟氣二道五年四
 月庚辰白虹貫兩珥十二月甲申日生兩珥及冠抱背三氣
 九年二月庚戌生兩珥重半暈十年十二月辛亥生暈兩珥
 璣氣背氣白虹貫之正統三年四月庚辰白虹貫兩珥暈十
 一年十二月庚申生重半暈背氣左右珥十四年八月戊申
 朔日暈旁有戟氣兩珥戴氣東北紅霓如杵十月壬申日上
 黑氣如烟尋發紅光散焰如火景泰元年二月壬午黑氣匹
 段長三丈離地丈許兩頭銳而貫日其狀如魚六月乙酉日
 生背氣晡時赤雲四道兩頭銳如耕龔象徐徐北行二年正
 月癸卯白虹貫兩珥背氣七年九月丙子日色變赤天晦六

年二月庚戌日暈生兩珥交暈抱氣左右戟白虹貫日久之
諸氣復生辛亥生兩珥交暈白虹左右戟氣皆赤黃色自卯
至酉貫日彌天二年二月乙卯白虹貫交暈上生背氣閏二
月巳巳生暈背日晦無光旋赤如赭三年八月丁卯日色如
赭六年十月丙子日色如血七年四月癸未如之八年二月
丙寅日晦無光成化五年閏二月巳卯日色變白十一年二
月巳亥日色如赭四月辛卯如之六月巳酉重暈生兩珥背
氣十三年三月壬申日色慘白無光十月辛卯十四年三月
庚午十六年三月丙戌竝如之十七年三月丁酉日赤如赭
十八年四月壬寅日赤無光十二月癸酉日赤如赭二十年
二月巳未日生白虹東北亘天癸酉日赤如赭二十一年十

月癸巳日暈生兩珥已而復然又生抱背二氣弘治九年三月乙酉南京見日交暈復生重半暈下生右戟白虹貫日彌天十一年十二月庚申南京見日生兩珥白虹貫日彌天十七年三月庚午南京見白虹貫日十八年八月癸酉至九月甲午日色無光正德十三年正月己未四川鄰水見白虹貫日嘉靖元年正月丁卯日色慘白變青無光二十八年三月丙申日色慘白連五日三十四年十二月晦日光忽暗有青黑紫三色日影如盞數十相摩久之如百千盤飛盪滿天向西北散四十五年八月兩日相鬪萬曆二十五年三月癸丑申刻日旁黑日二三十餘迴繞移時雲隱不見五月辛卯朔日光轉盪旋爲黑餅三十五年正月庚午日暈黑氣蔽天寸

一月丙午日赤無光至申酉時燭地如血四十二年

辰日色赤黃如赭如血者數日四十三年春正月日黑無光
四十四年八月戊辰日中有黑光四十六年閏六月丙戌至
戊子日旁有黑氣出入日中摩盪四十七年十一月癸子日
暈兩珥重背天啓元年二月乙巳遼陽見日暈兩珥如月如
環南北各有日化爲青虹似弓形者三皆背日外向二年正
月甲寅日暈三珥旁有白氣三年正月癸卯日暈奎婁外白
內黑四年正月癸未日旁黑子相盪初止二三後至十百許
如此者四日二月癸丑黑日盪磨日旁四月癸酉日中黑氣
摩盪十二月辛巳午刻日上有一物覆壓摩盪非烟非霧如
蓋如吞通天皆赤崇禎四年正月戊戌日色如血照人物皆

赤二月乙巳朔日出如血七年十二月戊子日生三珥八年
二月丙午白虹貫日十年三月白虹青氣貫日十一年二月
乙未朔日光摩盪竟日十一月癸亥日中有黑子及黑青白
三氣日入時有光摩盪如兩日十二年正月辛酉日光摩盪
竟日有氣從日中出如鏡黛噴花二月庚子日旁有紅白丸
又白芒黑氣交掩日光摩盪十三年正月丁卯東方黑氣彌
空者三日九月己巳兩日竝出辰刻合爲一沒時分爲兩而
入十四年正月壬寅黃霧四塞日青無光十六年正月戊午
夜嘉興見日若西出二三丈而沒十七年三月日色無光兩
旬

月變
洪武七年正月辛巳月暈太微垣十四年三月癸巳如

之四月癸卯又暈五帝座五月己巳又暈歲星二十一年三月壬午白雲貫暈及太陰宣德元年二月甲戌月生交暈左右珥白虹貫之正統元年月數暈數生珥又屢被虹貫八月秋皎顧四方有游氣赤無光者六七日二年三年亦數暈數珥四年十月戊戌月方暈有白雲一道東西長十餘丈濶三丈橫貫暈中七年十二月辛丑白虹貫暈十四年八月辛未太陰晝見與日爭明成化十八年十月癸巳曉刻月當暈不晦二十一年惠州見月下發光前銳而青後大而紅長丈餘旁有黃白氣自西飛度東北有聲如雷弘治元年十一月己卯月生蒼白芒如齒長三尺餘二年十一月戊辰月暈連環貫兩珥六年三月戊寅南京見月生左右連環貫白虹纏

天八月壬申又見月暈生無氣東西百餘丈其曆三十年七月丙子月生五色小暈三重天啓二年五月庚申巳刻堯州見月經天當午有一星隨之西轉崇禎四年十月丙午太陰晝見若夫月食則常事也有一歲三食者亦志以示變永樂元年正月甲午七月辛卯十二月戊子景泰元年正月辛巳六月戊子十一月乙酉成化十二年二月癸未七月辛巳十二月戊申萬曆八年正月丙辰六月癸丑十二月庚戌崇禎元年正月丙子六月乙巳十一月癸酉十二年四月壬寅五月辛未十一月己巳四五連二月尤爲異云

因犯五緯凡月與諸星光相掩曰食光相通曰犯光相及曰合亦名曰掩洪武元年五月甲申月犯垣星十二年三月

辰朔犯辰星十四年十一月甲午犯填星十九年五月
犯歲星二十三年四月丁酉掩太白永樂五年六月丙午十
年十二月壬子犯熒惑八年十二月壬子九年四月庚子十
六年七月戊辰犯歲星十八年十一月辛卯掩太白二十年
三月辛未掩食填星二十二年八月乙丑犯熒惑洪熙元年
二月己未食填星宣德元年十二月丙子掩熒惑二年四月
甲申曉犯太白六年十月丙申掩太白七年二月甲寅曉犯
填星八年二月癸巳掩歲星四月戊子犯歲星正統二年正
月辛亥掩歲星四月癸酉五月庚子犯歲星七月戊申犯熒
惑四年正月乙酉掩食填星八年三月庚申犯填星十一月
丙寅掩歲星十年十一月辛卯犯熒惑十一年十二月甲寅

犯歲星十二年正月辛巳閏四月庚午犯歲星十四年四月
壬子犯太白五月癸未食太白景泰二年四月戊子犯歲星
九月甲辰犯歲星於斗五年二月丁亥犯太白六年正月甲
寅犯歲星七年四月癸丑犯填星乙丑曉犯太白天順五年
十一月巳亥犯太白於斗成化五年二月丙申癸亥俱犯歲
星六年三月癸未八年正月癸亥俱犯太白十二年十一月
戊申昏犯歲星於室十三年十月乙卯犯填星十二月丁酉
犯太白十四年三月戊辰犯填星十八年二月戊午犯填星
八月巳酉二十三年四月乙亥俱掩熒惑五月戊午六月乙
酉俱犯歲星十月甲戌掩歲星弘治四年二月壬子犯歲星
七年十一月戊申犯熒惑八年正月癸卯犯歲星十二月丙

辰掩填星十一年四月甲申九月庚子俱犯歲星十二年八月壬寅犯熒惑十四年七月丁卯九月己丑俱犯歲星丙辰掩歲星十二月癸丑犯熒惑十七年十一月甲辰曉犯歲星十八年二月丙寅掩歲星九月乙巳掩填星正德元年十一月己卯犯太白四年閏九月癸亥犯歲星八年正月己丑犯填星十六年二月丙戌掩犯太白嘉靖二年五月戊子掩犯歲星十一月壬申犯歲星十七年十二月己未犯填星十八年十月丙戌犯熒惑二十年五月辛卯犯歲星二十一年四月甲寅二十七年七月丁丑俱犯太白九月庚子夜曉犯太白於角三十一年五月辛丑犯填星九月庚寅掩填星十二月丁卯犯歲星四十二年五月庚辰掩歲星四十四年七月

申犯熒惑於井十四年八月己丑犯太白於角十五年六月
乙丑十九年九月辛未俱犯熒惑十二月甲辰犯填星於井
二十四年正月甲申犯填星於張二十七年九月辛亥晝犯
太白三十一年五月癸未卯刻犯太白三十五年六月乙未
犯填星於斗三十七年八月辛酉犯填星四十年九月癸
未夜曉掩犯歲星崇禎三年八月辛亥食太白十一年四月
己丑曉掩熒惑於尾

明史藁

志第二

光祿大夫 經筵講官明史總裁戶部尚書加七級臣王鴻緒奉

敕編撰

天文二

月犯列舍

五緯犯列舍

退行留入

月犯列舍洪武元年九月壬子月犯畢二年正月乙巳犯井
三月壬寅犯鬼九月戊戌犯南斗三年四月丙寅入太微垣
四年七月辛酉入南斗魁十二月辛丑犯房第二星六年正
月壬戌犯心十月甲申犯昴甲午犯角閏十一月壬辰犯心
十二月丙午犯昴七年二月辛亥犯角四月壬寅犯軒轅七
月丙寅入太微垣八月庚子犯箕十月甲寅犯軒轅十一月

壬午又犯左角八年二月壬辰犯五諸侯九年正月丁丑犯
房閏九月戊寅犯心十一月丙申犯鬼十年二月戊午犯鬼
三月甲申犯天禮未及八月壬子犯心九月辛卯犯昴十
一年二月辛亥犯井九月丁亥犯天街十月戊午犯南斗十
二年正月己卯犯井六月甲戌犯房七月乙巳犯建星十二
月甲戌犯井十四年正月甲辰犯角二月乙丑犯井十五年
六月辛丑犯畢十月丙申犯軒轅右角十一月己巳入氏十
六年二月庚辰犯畢三月癸丑犯軒轅右角六月壬午犯建
丙申犯畢七月己酉犯右執法八月辛卯犯畢九月丁未犯
建戊午犯畢十一月丙辰犯井辛酉犯右執法十二月庚辰
十七年二月乙亥犯畢丁亥犯氏三月癸丑犯亢戊午犯建

四戶丙子犯御女七月甲辰犯氏九月庚申犯軒轅左角辛酉犯太微西垣上將十月庚辰閏十月戊戌俱犯畢十一月癸未犯上將十二月己未犯井十八年五月庚午犯平道八月丁酉犯南斗十月庚子犯天囷十二月辛亥犯西咸十九年三月丙子犯建十月辛丑犯積尸乙巳犯內屏十二月丙申入鬼犯積尸二十年三月戊午犯亢乙未犯氏八月丙寅犯諸王九月丁酉犯鬼乙巳入氏十月己巳犯謁者十一月壬辰犯鬼乙未入太微垣十二月丙辰犯諸王戊午犯井二十一年正月庚辰犯天囷丙申犯房二月丁未犯外屏甲寅犯鬼四月癸丑入太微垣六月庚申入羽林七月庚辰犯房丙戌犯壘五月乙巳犯亢九月丙申入太微垣己亥犯亢

十月癸丑犯外屏戊戌犯十二月辛酉犯亢壬戌入氏二
十二年正月丙戌入太微垣三月戊寅犯軒轅四月乙亥入
太微垣六月甲寅犯壘壁乙卯入羽林七月己巳入太微垣
八月戊午犯司怪十月戊午入太微垣十一月壬申入羽林
十二月癸丑犯內屏下己入氏二十三年二月己酉犯太微
東垣戌午入斗閏四月癸酉犯亢六月辛未入斗丁酉犯房
八月乙丑犯心九月丙申入南斗魁庚子入羽林甲寅入太
微垣十月丁丑犯五諸侯壬子入太微垣乙酉犯房二十四
年二月丙子犯星三月己亥入太微垣犯左執法六月庚申
入太微垣戊寅犯畢八月庚申犯心壬午犯太微垣九月丙
申犯壘壁庚戌犯執法十一月甲辰犯太微垣二十五年

正月戊戌犯靈臺二月戊午掩昴三月癸巳犯靈臺四月癸亥犯角五月癸卯犯外屏六月戊寅犯五諸侯八月乙卯犯房九月戊子犯蠱壁甲辰犯靈臺十月巳丑犯五車十一月癸巳犯司怪十二月癸亥犯五諸侯二十六年正月戊辰犯箕四月壬午入軒轅辛卯入南斗八月丁亥犯昴九月癸卯朔入南斗十月壬午犯外屏十一月戊午犯鬼二十七年二月乙亥犯昴七月巳酉入南斗八月癸巳犯軒轅九月癸丑犯昴十一月庚戌犯司怪二十八年正月庚戌犯御女二月壬申犯司怪丙戌犯心三月辛丑犯天籟四月巳卯掩房六月丁卯犯軒轅十月癸卯犯昴丙午犯井十二月甲辰掩軒轅二十九年正月庚辰犯心前星三月甲戌犯房第二星四

月甲辰犯南斗杓八月丙申犯羅堰丙午入井九月丁丑掩
軒轅右角十二月丁未入房三十年七月甲戌掩井鉞三十
一年三月癸亥犯氏建文四年六月己巳犯壘壁七月戊子
入氏丙申犯壘壁庚子犯天囷八月戊辰又犯庚午犯畢九
月辛卯犯壘壁乙未犯天囷十月乙丑犯畢甲戌入太微垣
端門曉刻犯左執法十一月庚寅犯天囷壬辰犯畢壬寅犯
太微東垣上相丙午犯罰十二月丙寅犯御女永樂元年正
月丙申犯左執法九月壬辰犯畢十一月丁酉犯上相二年
正月丙辰犯軒轅左角八月壬辰犯鬼十月己亥犯壘壁壬
午犯畢十一月庚戌犯天高十二月己卯犯井三年正月甲
辰犯畢三月壬寅犯天樽四月丙戌犯壘壁八月辛巳犯天

九月庚戌犯畢北第二星辛亥犯天
乙酉犯謁者十一月丁未犯井戌午犯西咸十二月丙戌犯
罰四年正月壬寅犯井二月丁卯犯畢六月庚午犯罰七月
丙午犯壘壁八月辛丑又犯辛亥犯軒轅九月壬戌掩南斗
杓癸巳犯壘壁五年二月壬辰犯井甲辰犯天江三月庚午
犯房北第一星五月乙丑犯東咸八月戊戌犯外房十月戊
戌犯井辛丑犯軒轅癸卯入太微垣犯內屏十一月丁卯犯
鬼丙申犯軒轅六年正月辛酉犯鬼丙寅犯太微垣土相
丁卯犯亢三月辛酉犯土相四月己亥犯進賢五月庚申犯
東咸辛酉犯天江六月丁亥犯房北第二星七年六月庚戌
犯心前星七月庚辰犯南斗魁八月己酉犯十二諸侯周庚

戊犯曩壁十一月乙亥犯曩壁八年四月己巳犯靈臺己卯
犯秦五月辛卯犯昴九月丁丑犯外屏己丑犯上將十月壬
子犯五諸侯戊午犯右執法九年七月庚午犯箕八月戊申
犯昴九月丁丑掩五車十年三月甲午犯軒轅大星六月癸
亥犯星乙丑掩犯昴十一年正月丁亥七月戊戌八月癸巳
俱犯昴丙辰犯南斗魁九月癸巳十二月乙卯俱犯昴十二
年六月甲寅犯星九月戊子犯昴十三年六月丙子犯心前
星九月癸丑犯可怪甲寅犯井十二月己卯犯軒轅右角十
四年正月癸卯犯井鉞七月辛丑犯建九月癸巳犯東城丁
未犯畢十五年七月乙丑犯牛八月辛卯掩建十二月辛丑
犯角南星十六年正月丙寅掩角三月丙寅犯鈞鈞五月辛

酉犯房北第一星七月庚寅犯牛十月壬辰犯畢十七年十
月癸巳犯軒轅右角十八年六月癸亥犯井九月戊子犯軒
轅右角十月巳酉十二月甲辰俱犯畢十九年八月丁未犯
天園十月壬子犯靈臺十一月丙戌掩東咸十二月丙午犯
軒轅左角二十年正月丙寅三月辛酉七月丁丑俱犯畢八
月乙未掩建女一月丁卯犯畢二十一年正月巳丑入畢二
十二年十月乙丑犯內屏十一月丙戌犯諸王丁亥犯內屏
巳丑犯鬼十二月甲辰犯泰乙卯犯軒轅庚申犯內屏壬戌
犯平道洪熙元年正月丁亥犯內屏二月戌申犯諸王辛酉
犯大江三月甲申犯平道癸丑犯代四月巳酉犯內屏戊午
犯狗八月辛卯犯軒轅九月乙巳犯壘壘宣德元年正月乙

刑部... 卷之...

五

巳犯五諸候庚戌犯內屏二月癸酉犯五諸候丁丑犯太微垣次將庚辰犯亢三月戊申犯氏壬子犯南斗六月庚午犯氏八月己巳掩斗九月戊申入天街己酉犯諸王十月庚午掩壘壁十一月甲午犯代二年正月丁未犯平道八月丙子犯天街壬午犯軒轅九月甲午犯代本月甲戌掩五諸候三年四月戊午又犯九月戊午掩壘壁十月己丑犯外屏壬辰犯昴四年七月乙丑掩昴十一月己未犯鬼甲子犯右執法丙寅犯角己巳犯天江五年正月辛卯犯五車二月戊子犯角南星辛卯犯房四月癸酉犯五車己卯犯軒轅五月癸丑掩房丙辰犯斗六月乙酉晚犯泰七月戊申犯房南第二星庚戌犯箕八月己丑犯五車九月戊申犯壘壁十月丙子十

二月辛未皆又犯甲申犯軒轅至辰掩心閏十二月丙午犯
在車六年正月己丑犯南斗二月癸卯犯五諸侯丙午掩軒
轅大星四月戊申掩房五月戊子犯昴六月丙午犯南斗八
月庚戌掩昴九月甲申犯御亥十月壬子七年正月甲戌俱
掩犯軒轅八月戊申掩東井庚戌掩鬼十月乙巳犯鬼十二
月己丑掩泣星己酉犯心庚戌犯天江八年二月丙午犯南
斗三月戊寅犯泣星五月己卯犯昴七月庚申犯房九年八
月丙寅犯鉞星九月辛卯犯昴十年二月壬戌犯天江三月
戊子犯房八月戊辰犯建九月戊子犯天關十一月癸巳掩
氏正統元年二月己酉犯軒轅右角四月乙卯犯牛閏六月
壬申犯氏癸酉犯鍵閉乙亥犯南斗杓七月庚子犯房十一

月癸巳犯牛甲辰犯畢甲寅犯角十二月壬午曉犯亢二年
五月辛丑犯罰八月巳卯犯井九月甲辰犯畢十月丁卯犯
外屏十二月丙寅入畢三年正月辛亥犯牛二月甲子犯井
三月戊子犯畢五月戊子犯軒轅右角六月戊辰犯牛七月
甲辰入畢九月巳丑掩建庚寅犯牛巳亥入畢十一月甲午
十二月辛酉俱犯畢四年二月丙辰犯天高閏二月乙未犯
亢四月丁亥犯左執法六月丙戌犯氏戊戌犯畢七月丁巳
犯建八月癸巳犯畢丁酉犯井九月壬子犯平道癸酉犯亢
五年正月甲子犯氏八月丁丑犯東咸九月癸亥十月庚寅
俱犯軒轅辛卯犯靈臺六年正月壬子犯車轍太星二月乙
亥犯井六月庚寅犯畢十月丙戌犯靈臺十二月丙午七在

正月己巳俱犯畢癸酉犯鬼七月庚辰犯畢十二月己亥犯
并八年五月辛酉犯內屏九月己巳犯畢十月癸卯掩軒轅
九年七月己未掩南斗魁閏七月戊戌犯天街九月乙未犯
并十年九月甲午犯軒轅十一月甲午犯氏十一年二月庚
申犯南斗五月戊寅犯氏八月壬寅掩心九月丙戌犯五諸
侯己丑犯軒轅十月辛卯犯五諸侯十一月己巳犯壘壁壬
辰犯心十二月戊申犯五諸侯辛亥犯軒轅甲寅犯左執法
十二年八月甲戌犯外屏己卯犯五諸侯九月丁酉犯壘壁
辛丑犯外屏癸丑犯上將十月辛巳犯右執法十一月己亥
犯昴十二月戊辰犯五車十三年二月辛酉犯昴乙丑犯五
諸侯丙子犯心第一星三月庚寅犯五車乙巳犯箕四月乙

丑犯右執法乙亥犯秦八月己巳犯外屏九月癸卯犯五諸
侯十月庚申犯壘壁丁卯犯昴十一月丙申犯五車十四年
正月丁酉犯靈臺二月丙辰犯昴辛酉犯鬼四月丙寅犯心
六月庚申犯房第二星八月癸丑犯心辛未掩犯五諸侯九
月乙酉犯壘壁己丑犯外屏丙申曉犯五車庚子曉犯上將
十一月癸巳曉犯五諸侯十二月丁巳犯昴己未犯五諸侯
景泰元年正月癸巳又犯己亥犯心閏正月戊午犯軒轅大
星三月辛酉犯心東星五月戊午犯南斗魁六月壬午掩心
西星辛卯犯雲雨星八月丁丑犯房南第二星庚辰犯南斗
魁九月壬戌犯鬼十月乙酉犯昴十一月丙辰犯五諸侯丁
丑犯鬼癸亥掩房二年正月辛酉犯心二月己卯犯鬼四月

癸未犯心五月辛卯犯昴七月丙午犯心中星八月庚寅犯
鬼九月壬寅犯南斗杓癸丑犯昴十月庚辰又犯癸未犯東
井十一月己亥犯牛戌申犯昴壬子犯鬼十二月戊寅犯井
三半正月下未犯鬼七月壬寅犯南斗杓八月甲申犯井九
月癸丑犯鬼閏九月癸亥犯天江十月丙午犯井十二月己
丑犯諸王四年正月辛未三月丙寅俱犯軒轅右角四月癸
卯犯建六月壬子犯東井七月乙丑犯建八月丙午犯井鉞
十一月丁卯犯諸王戊辰犯井又犯星十二月丙申犯井庚
子犯軒轅乙巳犯氏五年正月壬申犯氏癸酉犯鉤鈴丙子
犯建三月丁卯犯氏八月戊子犯建己丑犯牛十月乙未掩
犯天關丙申犯井十一月壬戌復掩天關十二月甲午犯軒

轅右角六年正月丙寅犯角二月巳亥犯建七月乙卯犯氏
九月庚子犯亢十月丙辰犯畢十一月癸未又犯甲午乙未
犯亢丁酉犯罰七年正月戊寅犯畢甲申犯軒轅右角乙巳
犯畢二月丙辰犯亢三月庚午七月己丑俱犯天高八月乙
卯犯畢十月壬寅犯南斗丁巳犯軒轅右角十一月戊寅犯
畢十二月丙午犯英高庚申犯東咸八年正月己卯犯軒轅
右角天順元年六月甲辰犯罰八月己亥犯東咸九月乙丑
犯氏己巳犯建十月丙午掩畢己酉犯井乙卯犯左執法己
未犯氏十一月己卯犯軒轅右角十二月丁未犯御女己酉
犯右執法二年正月戊辰掩畢又犯附耳辛未犯井丁丑犯
左執法二月辛丑犯軒轅右角甲辰犯右執法閏二月壬申

犯左執法三月癸卯犯氏四月己巳犯亢五月己亥犯罰壬寅犯建七月辛卯犯亢庚午犯壘壁丙午犯畢八月戊辰犯壘壁九月辛丑入畢戊申曉犯靈臺十月己未犯建甲子犯壘壁己巳犯畢又掩犯附耳三年正月辛卯犯畢丁酉犯軒轅左角辛丑犯平道丁未犯鬼二月甲子掩犯御女王申犯罰癸酉犯南斗三月戊子犯井甲午犯左執法庚子犯建五月庚寅掩平道六月庚申犯氏七月壬寅掩附耳八月戊午犯南斗己未犯建九月己丑犯牛甲午犯外屏丁酉犯天高己亥犯井十月甲子犯畢丙寅犯井戊辰犯鬼壬申行太微垣中十二月丙辰犯天廩癸亥犯鬼四年正月己丑犯井壬辰犯軒轅大星二月壬戌掩上相七月丁亥犯牛戊戌犯天

高九月丁亥犯壘壁巳丑犯外屏壬辰犯畢乙未犯天罽入
鬼十月壬子犯壘壁十一月乙未犯三公下星十二月壬午
入畢甲午犯內屏五年正月己酉犯畢己未犯亢三月辛亥
犯內屏七月庚申犯畢壬戌犯鉞又犯井八月癸酉犯罰九
月丁巳犯井十月丁丑犯壘壁十二月丁卯朔犯鉞己卯犯
井六年正月丁未又犯二月己卯犯內屏三月己亥犯畢庚
子犯諸王四月己卯犯東咸庚辰犯天江五月甲辰犯亢丙
辰犯壘壁六月戊子犯壁九月庚戌犯畢辛亥犯諸王七年
正月丁未犯內屏甲寅犯南斗杓三月乙卯犯壘壁四月壬
申犯亢閏七月丙寅犯南斗魁辛卯犯東咸癸丑犯內屏九
月辛酉犯南斗魁癸酉犯諸王十月丙申犯外屏戊申犯內

屏已酉犯上相十一月戊午犯代戊辰犯軒轅乙亥犯內屏
戊寅犯亢十二月申午犯天街八年正月戊午犯外屏二月
己丑犯天街三月戊辰五月癸亥俱犯氏己巳犯代成化元
年正月癸亥犯軒轅己巳犯氏八月辛丑犯軒轅十一月乙
丑犯上將十二月己卯犯壘壁癸巳犯右執法二年正月戊
申犯外屏庚戌犯天陰三月乙酉犯軒轅三月庚申犯房南
第二星閏三月戊子犯心太星癸巳犯壘壁丁酉犯外屏四
月己酉犯上將丁卯犯昴五月丙戌犯南斗魁六月己卯犯
壘壁八月丙午犯星戌午犯五車十一月丙子犯外屏十二
月丙午犯昴三年正月壬子犯角三月戊子犯代四月癸丑
犯南斗杓四年正月丙戌又犯南斗魁二月癸卯犯軒轅左

角庚戌犯房南第二星三月乙丑犯置車丁卯犯五諸侯戊
辰犯鬼庚午犯軒轅大星五月乙丑犯軒轅左角壬申犯房
南第五星己亥曉犯南斗魁六月庚子掩星乙巳犯秦八月
甲午犯房南第二星甲寅犯軒轅右角五年正月乙丑犯五
諸侯己巳八鬼犯積戾寅犯志二月丙申犯鬼閏二月己
未犯昴癸亥犯積薪甲子犯御女七月壬辰犯南斗魁癸卯
犯昴六年正月庚寅犯井坐辰犯鬼丁酉犯房南第二星辛
丑犯狗四月丙子犯昴五月甲午犯南斗六月甲子犯泣星
七月戊戌犯昴八月己巳犯天籟十月庚申犯昴七年正月
丙戌犯天籟丙申犯天籟正月癸丑犯井丁卯犯羅堰三月
庚寅犯心酉星壬辰犯南斗杓四月丁未犯井五月己丑犯

牛九月戊子犯月星閏九月丙午犯羅堰丙辰犯諸王戊午
入井十月丙戌犯井十一月庚辰犯井鉞八年正月辛亥犯
軒轅左角己未犯天江四月庚辰犯房北第二星九月壬子
犯天淵十二月乙酉犯氏丙戌犯東咸九年正月庚子犯
街六月癸酉犯建十月癸酉犯畢十年閏六月壬辰犯房
一年二月癸卯三月乙卯俱犯牛五月乙卯犯明堂八月丁
申犯天高癸卯曉犯靈臺九月癸亥犯畢十月辛巳犯建十
年犯牛辛卯犯天高壬辰犯司怪癸巳犯井十一月戌午十
二月乙酉俱犯畢癸巳犯明堂十二年正月癸丑犯天高甲
寅犯司怪丁卯犯東咸九月己酉犯建辛酉犯東井十月癸
未犯外屏丙戌掩畢十月己未犯御女十二月戊子犯明

堂庚寅犯進賢十三年正月戊申犯畢巳丑犯建二月戊寅
犯并閏二月壬子犯進賢四月辛亥七月癸酉俱犯罰八月
辛亥犯外屏壬子犯天閭乙卯犯司怪庚申犯軒轅壬戌犯
左執法九月辛未犯建乙酉犯鬼十月庚子犯羅暉丙子犯
外屏壬子犯御女丙辰犯右執法丁巳犯上將巳未犯亢十
一月丙子犯畢癸未犯上將甲申犯左執法十二月乙巳犯
司怪庚戌犯靈臺辛亥犯右執法壬子犯上相十四年正月
辛未掩畢丁丑犯軒轅左角癸未犯西咸二月丙辰犯羅暉
三月丙寅犯天高四月丁未犯天江十五年正月癸酉犯上
將五月丙申犯東井乙巳犯氏戌申犯南斗杓壬子犯壘壁
三月戊辰犯上將六月乙未犯西咸庚午犯牛九月甲子犯

壘壁庚午犯天園乙亥犯天罇十月辛卯犯壘壁己亥犯畢
庚子犯天高閏十月戊辰犯鬼己卯犯鍵閉十一月甲午犯
畢丁酉犯天罇十二月甲子犯井十六年正月辛丑犯罰二
月戊午犯西咸六月甲子犯井七月辛丑犯天關八月丁卯
犯畢九月丁酉犯井十月癸丑犯壘壁壬戌犯諸王乙丑犯
天罇十一月庚辰犯秦己丑犯畢壬寅犯東咸十七年正月
甲申犯畢四月己未犯東咸八月癸亥犯諸王十八年正月
乙亥犯外屏丁酉犯天江二月戊申犯天街五月辛巳犯南
斗魁六月甲辰犯內屏七月庚辰犯壘壁八月戊申犯周閏
八月壬申犯天江丙子掩女甲申犯天街乙酉犯諸王九月
辛丑犯南斗魁戊申犯外屏壬子犯諸王戊午曉犯軒轅庚

申曉犯內屏十月巳卯犯天街十一月辛丑犯壘壁丁未犯
諸王庚戌犯五諸侯丙辰掩土相戊午犯亢十二月丁丑犯
五諸侯甲申犯進賢十九年二月丁卯犯天陰庚辰犯亢三
月壬寅犯軒轅五月壬子犯壘壁十月庚辰犯軒轅十一月
庚子犯天陰巳酉犯靈臺十二月壬申犯五諸侯二十年正
月甲辰犯上將四月甲子犯軒轅六月壬戌犯左執法壬申
犯代七月庚戌犯五諸侯八月壬戌犯心丁卯犯壘壁辛未
犯外屏癸丑犯天陰二十一年二月甲寅犯昴丙寅犯靈臺
又犯上將庚午犯角癸酉犯心三月巳丑犯五諸侯七月丁
巳犯心乙丑犯壘壁巳巳犯昴九月辛酉犯外屏辛未犯靈
臺十月癸巳犯五車十一月癸丑犯壘壁巳未犯昴丁卯犯

右執法癸酉犯心十二月癸未犯外屏辛卯犯鬼癸巳犯軒
轅左角癸卯犯南斗魁二十二年正月丁巳犯五諸侯丁卯
犯房二月乙卯犯軒轅八月壬午犯南斗魁九月壬子犯代
十月辛卯入鬼犯積尸癸巳犯軒轅左星十一月庚申犯軒
轅大星十二月丙戌犯鬼戊子犯軒轅左角二十三年三月
庚申犯南斗魁四月乙酉犯房南第一星八月甲戌犯心後
星九月辛酉犯御女十月壬午犯昴弘治元年正月庚戌犯
軒轅右角庚申犯南斗魁五月戊午犯昴六月庚申犯鬼八
月庚戌掩昴癸丑犯井甲寅犯鬼九月戊辰犯南斗十月戊
申犯天罇十一月癸亥犯羅壘丁丑犯鬼戊寅犯軒轅右角
十二月壬子犯房南第二星二年正月丁卯犯昴癸酉犯軒

轅右角甲申犯牛二月丁酉犯井戌戌犯天鱗丁未犯心酉
第一星戊申犯天江三月己卯犯羅堰四月甲辰犯南斗杓
十月己亥犯天陰丙午犯軒轅右角十二月辛丑犯左角三
年二月己丑犯昴四月丁亥犯井七月甲戌犯天街八月辛
卯犯牛九月戊辰掩諸王十一月戊戌犯軒轅右角四年正
月丁酉犯氐東南星二月壬子犯諸王丁丑犯房北第二星
三月庚辰犯諸王七月丙申犯天高九月庚辰犯建庚寅犯
天街十月丙辰犯天陰十二月壬子犯天街乙丑犯氐五年
正月庚辰犯諸王二月戊申犯天關己酉犯井乙丑犯羅堰
六月癸丑犯建癸亥犯畢大星八月戊午犯諸王十月甲辰
犯牛乙酉犯外屏癸丑犯天高甲寅犯討怪十一月庚辰犯

畢十二月癸丑犯軒轅右角六年正月丙子犯司怪三月乙亥犯軒轅右角癸未曉犯房四月庚申犯外屏五月戊寅犯鍵閉八月庚午犯建壬申犯牛庚辰犯畢癸未犯井十月乙亥犯畢十一月甲辰犯司怪十二月庚午犯畢七年五月庚子犯井辛亥犯鍵閉六月辛巳犯畢七月庚子犯羅堰壬寅犯泣星八月丙寅犯鍵閉辛巳曉犯軒轅右角九月辛丑犯天高癸卯犯井十一月乙未犯外屏癸卯犯酒旗丙午犯左執法八年正月戊戌犯軒轅右角辛丑犯左執法壬寅犯進賢乙巳犯氏丙午犯罰二月庚申犯畢丁卯犯靈臺三月辛丑犯東咸四月癸亥犯左執法五月庚子犯牛六月丙辰犯靈臺癸亥犯東咸七月戊子犯氏甲午犯羅堰八月己丑犯

壘壁辛未犯畢九月甲辰犯御女十一月己亥曉犯軒轅左
角十二月戊午犯外屏辛酉犯畢戊辰犯右執法九年正月
乙酉犯外屏甲午犯軒轅左角庚子犯西咸二月丙辰犯天
高癸亥犯右執法三月己丑犯軒轅左角丙申犯東咸閏三
月丁巳犯上將癸亥犯罰乙丑犯南斗杓五月戊午犯東咸
壬申犯畢六月癸未犯建壬辰犯壘壁丙申犯外屏七月壬
辰犯天囷八月庚子犯軒轅左角九月己酉犯南斗杓庚戌
犯建甲寅犯壘壁辛酉犯畢丁卯犯軒轅大星己巳犯靈臺
十月己卯犯斗丁亥犯天囷甲午曉犯軒轅大星十一月癸
丑犯外屏甲寅犯畢庚申犯鬼十二月甲申犯天高己丑犯
軒轅大星乙未犯西咸己亥犯建十年正月癸丑犯井乙卯

犯鬼二月乙酉犯靈臺三月丁未犯司怪辛酉犯建四月丁
丑犯鬼五月甲寅犯東咸丁卯犯天虞六月巳卯犯氏壬午
犯南斗杓七月乙丑犯井丁卯犯鬼八月辛巳犯壘壁九月
乙巳犯建庚申犯井十月甲戌犯羅堰壬午犯天囷乙酉犯
天關戊子犯積尸十二月癸未犯鬼十一年正月丙午犯畢
三月壬寅犯天關乙巳犯積尸辛亥犯亢四月丙戌犯壘壁
五月戊申犯鍵閉復犯罰五月庚申犯天囷六月壬辰犯井
七月癸卯犯東咸庚申犯天罇八月乙亥犯奎乙酉曉犯畢
丁亥犯井九月丁酉犯西咸乙卯犯天罇十月庚辰犯天關
辛巳犯井丁亥犯內屏十一月甲辰犯天囷丁未犯諸王戊
申犯鉞閏十一月乙丑犯壘壁辛未犯天囷十二月辛丑犯

畢已酉犯內屏庚戌犯次相十二年正月辛未犯井癸酉犯積尸三月甲申犯壘壁五月辛未犯罰壬申犯天江八月甲午又犯甲辰犯天囷己酉犯井辛亥犯鬼九月庚申犯房北第一星乙亥犯諸王十月壬寅犯天高又犯諸王十一月戊寅犯上相十二月丁未曉犯亢十三年正月戊辰犯鬼二月辛卯犯諸王三月丙子犯代六月丁未犯諸王八月丙申犯壘壁九月乙亥犯軒轅十月丙申犯天街十一月辛酉犯諸王又犯天囷丁卯犯五諸侯庚辰曉犯上相十四年二月丙戌犯諸王三月己丑犯氏辛未犯周五月戊午犯進賢庚申犯氏己巳犯壘壁壬申犯天囷八月癸亥犯昴十月戊辰掩上相十一月壬辰犯軒轅十五年三月戊子犯氏五月己卯

犯左執法七月己卯犯心酉星九月己丑犯五諸侯壬辰曉
犯軒轅十月己酉犯壘壁辛酉犯上將十一月庚辰犯天陰
乙未犯心酉星十二月戊申犯昴十六年正月己卯犯五諸
侯辛卯曉犯心東星二月丙午犯五諸侯四月癸丑犯心大
星七月丙子犯箕九月辛卯犯左執法十月丙午犯外屏戊
申犯天陰丙辰犯上將十一月丙子犯昴丁丑犯五諸侯十
七年正月辛未犯昴甲申犯日星三月己巳犯五諸侯四月
辛丑犯右執法丁未掩心東星閏四月丙子犯箕庚辰犯壘
壁七月丙午犯外屏八月戊寅犯五車九月辛丑犯外屏甲
辰犯昴辛亥犯靈臺十一月己亥犯昴壬寅犯五諸侯十八
年正月壬子犯秦二月丁丑犯南斗魁三月辛丑犯日星甲

辰犯南斗魁四月己未犯鬼丙子掩壘壁五月丙申犯房第
二星六月丁卯犯狗七月辛卯犯心東第一星丁酉犯壘壁
九月癸巳又犯丁未曉犯軒轅左角十二月乙丑犯五諸侯
丙寅犯鬼甲戌犯房南第二星正德元年正月庚子犯心東
星三月己亥犯南斗五月丙午犯昴八月癸丑犯房南第二
星丙辰犯南斗魁九月甲申犯狗己亥犯積薪十月丁卯犯
鬼十一月己丑犯昴壬辰犯井二年正月丁亥犯井閏正月
己未犯靈臺癸亥犯房南第二星三月己未犯房第三星四
月辛丑曉犯昴十一月乙亥犯羅堰戊子曉犯井及天罈十
一月辛亥犯昴三年二月戊子曉犯心西星夜又犯天江四
月乙亥犯軒轅右角甲申犯南斗杓丁亥曉犯羅堰七月辛

酉犯天罇八月乙酉犯天街丙戌犯諸王辛卯犯軒轅右角
九月癸卯犯羅堰辛亥犯天陰壬子犯月星十月癸未犯玉
罇十一月戊申犯諸王巳酉犯井鉞癸丑犯軒轅右角四年
正月丙辰犯房北二星三月乙未犯天陰巳亥犯井辛亥犯
天江五月丙午又犯六月乙酉犯天街九月丁未又犯巳酉
犯諸王閏九月乙亥犯諸王十月戊申犯軒轅右角十一月
巳巳犯天街辛未犯諸王又犯鉞十二月乙未犯天陰丁酉
犯諸王五年二月甲辰犯氐乙巳犯房北二星三月癸卯犯
建七月丙子犯天關八月癸卯十月丁酉俱犯天街十一月
丙寅犯司怪庚午犯酒旗十二月丙申犯南斗丙午犯罰六
年正月巳未犯畢二月壬辰犯酒旗四月甲申犯井乙未犯

鉤鈴十月癸巳犯天高十一月壬子犯秦十二月戊子犯天
高巳亥犯氏七年閏五月乙未犯屏八年正月巳卯犯天
高乙未犯牛二月丙午犯司怪八月丁未犯羅堰丙辰犯附
耳丁巳犯司怪九年正月癸酉犯畢巳卯犯靈臺乙酉掩罰
二月戊申犯左執法四月丙午犯亢五月乙亥犯東咸六月
丁未犯羅堰八月辛亥犯畢十一月戊辰犯壘壁癸酉犯畢
十二月壬子犯氏十年正月庚午犯井甲戌犯軒轅左角三
月巳巳又犯癸酉掩犯亢五月庚子犯建六月甲子犯西咸
七月癸卯犯外屏丁未犯天高戊申犯司怪八月丁卯犯壘
壁九月壬辰犯羅堰巳亥犯天困癸卯犯井一未犯軒轅大
星十月癸亥犯壘壁丁卯犯天廩戊辰犯畢辛未犯井十二

月丙寅又犯巳巳犯軒轅大星壬申犯左執法及次相十一
年二月辛酉犯天罇癸酉犯建六月庚申犯鍵閉己亥曉犯
天囷十一月癸巳犯井甲午犯天罇癸卯掩犯氏十二年七
月癸未犯罰丙申犯畢九月壬午犯秦癸巳犯井二十二年七
月乙卯犯外屏己未犯諸王十四年四月犯軒轅九月戊申
犯天街十月辛未犯壘壁十一月癸卯犯天街十二月庚辰
犯上相十五年二月乙丑犯天街戊辰犯五諸侯辛未犯軒
轅三月壬辰犯月星甲辰犯亢十六年二月庚子犯氏五月
丙子犯天陰八月庚寅犯壘壁九月癸亥犯外屏十一月甲
子犯五諸侯十二月戊子犯昴嘉靖元年正月己未犯五諸
侯癸亥犯上將甲子犯左執法辛未犯箕二月丙申八月庚

辰俱犯房南第二星九月辛酉犯躔十月壬辰犯五諸侯十
二月戌申犯秦丙辰犯昂三年正月辛亥又犯癸亥犯日星
三月丁未犯五車五月辛巳犯心後星丙戌犯秦六月辛酉
犯昂八月戌申犯秦巳酉犯壘壁九月癸酉犯南斗魁丙子
犯壘壁十月乙巳又犯戊午犯軒轅左角十一月乙酉又犯
十二月庚戌犯五諸侯壬子犯軒轅大星三年正月己丑犯
南斗二月丙辰又犯三月壬申九月癸未俱犯五諸侯甲申
犯鬼又犯積尸十二月丙午犯鬼甲寅犯房南星四年四月
甲辰犯心中星丙午犯南斗魁五年正月丙申犯鬼五月乙
未犯天江六年正月庚子犯心西星壬寅犯南斗杓六月丁
巳犯心七年正月癸未犯鉞甲午犯氐戌戌犯建三月丁丑

犯天關八年二月癸酉犯井十一年九月壬申犯進賢十七
年十一月丙申掩房北第二星十八年八月庚午十九年二
月辛巳俱犯心七月甲午掩角南星八月乙丑犯心庚辰犯
五車二十二年正月戊午犯積尸二十三年十月辛丑犯心
中星二十九年十二月庚午掩畢三十一年七月癸卯犯畢
十月丁卯犯井十一月丁酉犯鬼三十三年十二月丁丑犯
畢三十九年九月戊子掩軒轅左角四十二年九月辛巳掩
南斗四十二年十一月癸丑犯井隆慶元年正月癸酉犯角
南星二年十月壬午犯牛壬辰犯畢三年三月己酉入畢五
年三月丙寅犯畢四月庚子犯軒轅八月丙辰犯軒轅大星
九月己卯犯井甲申犯軒轅左角六年正月戊寅犯亢閏二

月辛酉犯畢八月乙丑犯軒轅萬曆元年八月己巳犯井五
年三月丙辰犯五諸侯九年正月己丑犯南斗魁二月乙卯
犯心東星九月丙寅犯天江十一年二月壬辰犯井六月庚
申犯房七月辛卯犯建癸卯及八月辛未犯井十二年七月
乙酉犯建丙申犯井八月丙寅犯牛十一月戊子犯井十三
年九月壬申犯房北第一星十一月己酉犯畢戊午犯角南
星十五年八月丁丑掩犯畢十七年十二月庚寅犯軒轅二
十四年正月庚寅掩犯心大星二月甲辰犯畢七月丁丑犯
南斗魁二十五年正月辛亥犯心二月戊辰犯五車二十七
年四月戊辰犯南斗魁二十八年九月庚申犯井二十九年
正月丁未犯昴二月丁丑犯井三十一年八月甲午犯牛三

二十二年正月庚午犯角三十三年七月甲午三十四年十月
辛亥三十五年正月癸酉俱犯畢七月辛亥掩畢三十六年
六月乙卯十一月丙申俱犯畢四十一年八月辛亥掩犯軒
轅四十二年十二月癸卯掩犯心大星四十四年二月庚辰
犯軒轅大星十一月丙戌掩犯軒轅左角四十七年九月癸
卯掩犯右角四十八年二月丁卯犯房北第二星天啓二年
二月甲戌犯天關乙亥掩井三年正月癸丑犯鍵閉二月乙
未掩畢四年二月丙申犯軒轅右星五年正月戊戌犯掩氏
十月戊子犯畢是歲犯左執法六年二月庚辰犯畢壬子犯
天江七年正月辛巳犯軒轅大星二月甲辰犯井明初史載
災異甚詳成化以後汪直劉瑾輩用事漸多忌諱至嘉居正

管子益刑不許言自天文以及他災率前許而後略云

五緯犯列舍天文書居之不去曰守光耀侵之曰犯未當入
度而徑入犯曰侵自下而上冒之曰凌星不順行曰逆今統
名之曰犯歲星洪武六年九月庚申十一月壬子退行犯鬼
七年八月乙巳犯軒轅大星九年二月乙丑逆行入太微犯
左執法十年六月戊寅及戊戌犯亢十一月甲辰犯房十一
年四月戊申犯鍵閉七月甲申犯牛八月丙午犯房十四年
四月壬戌犯壘壁十七年閏十月癸卯犯井十九年四月丙
申入鬼八月壬辰犯軒轅二十一年四月丁未留太微垣十
一月甲戌入亢二十二年三月辛卯退行入亢九月丁卯犯
二十一年甲午入房十二月壬戌犯東咸二十三年五月己

未守房八月乙丑犯東咸二十六年二月丙子朔犯壘壁二
十九年六月庚子犯井鉞七月丙辰朔入井十月癸卯退行
入井三十年八月庚辰朔入鬼建文四年七月乙未退犯東
咸十月丙辰犯天江永樂元年正月丁未犯建十二月己丑
犯羅堰六年三月己巳犯諸王西第二星四月甲午犯東第
一星六月丙申犯井八年九月乙亥犯靈臺十八年七月己
丑犯天罇西北星八月庚子犯東北星二十一年正月庚戌
犯上將二十二年十一月戊寅入氏宣德三年閏四月己酉
犯壘壁西第六星十一月丙寅又犯七年七月丙寅犯天罇
九年五月庚子犯軒轅大星正統五年六月甲寅犯壘壁十
一年十月戊戌犯右執法十四年正月丙申犯房北第一星

二月丙子退犯房九月巳卯犯進賢丙戌犯房景泰元年閏
正月庚午曉與熒惑遞入南斗杓八月戊子犯秦二年二月
庚午朔犯牛三年十月辛丑犯亢六年六月庚子犯諸王八
月庚申犯井鉞七年九月癸未入鬼天順元年九月癸亥犯
軒轅大星二年八月癸未犯右執法十月乙丑三年正月辛
卯俱犯左執法六月辛未犯右執法十二月癸亥犯亢四年
閏十一月丙寅犯房北第一星庚午犯鉤鈴五年三月丁卯
退犯房上星八月癸酉犯鉤鈴七年二月庚申朔犯牛八年
二月丙午犯蠱壁三月辛巳又犯成化二年六月丁未守昂
五年七月巳酉犯軒轅大星六年三月癸卯留守軒轅七年
三月丁丑退入太微垣犯執法四月乙卯入太微垣留守端

門六月甲寅犯右執法十一月己亥犯亢八年十一月辛亥
入房犯北第一星癸丑犯鉤鈴九年三月丙辰犯東咸五月
己酉犯鉤鈴六月乙丑犯房第一星十二年三月丁巳犯壘
壁十三年閏二月己未犯外屏十五年三月甲子犯天街九
月乙卯犯井辛巳守井十七年正月己卯犯鬼三月甲午入
鬼庚子犯積尸十八年五月庚戌犯靈臺閏八月壬辰犯左
執法二十年五月乙巳守亢八月癸酉犯氏弘治四年七月
癸巳犯井十一月壬辰又犯六年八月庚寅犯靈臺七年正
月癸卯犯壘壁五月甲辰犯靈臺八年二月丁巳犯進賢七
月辛丑又犯十月丁卯犯亢十一月己酉犯氏九年二月至
三月庚寅守氏十二年五月己亥犯壘壁十三年八月戊申

又犯十五年七月丙子犯諸王
壬子犯天籟十八年九月丁未犯
月壬子退犯右執法及上將三
犯牛六年四月丁未十二月壬
犯諸三十四年十月癸未犯
一月丙寅犯羅堰二年十一月
庚寅二十一年正月丁未俱犯
亥犯房北第一星二十三年四
壬戌逆行又犯四十五年五月
元年二月戊午逆行守亢萬曆
年九月甲辰俱犯軒轅四年正
月犯軒轅大星五年正月庚

戊朔逆行犯左執法七年三月乙酉逆行犯房北第一星崇
禎七年閏八月丁未犯積尸九年冬犯執法是歲犯南斗十
五年夏逆行熒惑洪武元年八月甲午犯太微西垣上將九
月戊申犯右執法二年正月乙卯犯房六月壬辰犯東咸三
年九月丙申入太微垣乙卯留太微垣四年九月乙卯犯壘
壁五年十一月庚午犯鉤鈴九年三月辛酉犯井四月戊申
犯鬼七月犯上將十年八月丙寅犯天鱗十月乙卯犯鬼十
一年二月壬戌犯五諸侯三月甲午犯積尸六月壬戌犯右
執法十二年八月乙亥犯鬼戌寅犯積尸十二月庚寅犯軒
轅大星十四年十月丙子犯太微垣十五年三月乙亥犯右
執法四月癸巳出太微端門九月乙丑犯南斗十六年八月

辛卯行軒轅中九月辛酉犯太微西垣上將十月辛卯出太
微垣左掖門十七年正月乙卯入氏三月戊午犯氐十八年
正月戊辰犯外屏十月丁酉犯進賢十九年正月壬戌犯罰
二月丁未犯箕四月己亥留斗七月辛巳犯南斗八月丁亥
犯斗十月辛亥十一月己巳犯壘壁二十一年正月丙申入
斗四月丁未七月庚辰俱犯壘壁十一月癸巳犯外屏二十
二年正月丙戌犯天陰二月癸卯行昴中十月庚申入氐十
一月甲午犯東咸十二月癸丑犯天江二十三年正月甲戌
入南斗三月辛卯犯壘壁五月戊戌犯外屏九月庚戌行昴
南二十四年十二月甲子與辰星同犯箕二十五年二月己
卯犯壘壁九月己卯朔入井二十六年三月庚戌犯積薪五

月丙辰犯軒轅六月己丑犯右執法二十七年六月辛未犯
天街八月癸巳犯積薪九月乙巳犯鬼二十八年二月壬午
又犯四月戊子入軒轅五月戊午犯靈臺閏九月乙丑犯東
咸二十九年五月丙寅犯諸王六月甲午犯司怪十月辛亥
犯上將十二月癸卯守太微垣三十年三月壬午入太微垣
五月戊午犯右執法八月丁亥入氐丁未入房十月癸巳犯
南斗杓三十一年十月守心建文四年八月戊辰犯上將甲
戌入太微垣右掖門九月辛巳朔犯右執法壬辰犯左執法
乙未出左掖門十月甲寅犯進賢甲子入角十一月壬午入
亢己亥入氐永樂元年五月癸未犯壘壁西第四星十月甲
戌犯東第五星二年四月乙酉犯天罈九月乙卯犯角十一

月壬子犯鉤鈴三年三月癸丑犯壘壁四年正月甲午犯天
陰戊午犯月星五年七月癸酉犯諸王八月己酉犯司怪南
第二星六年二月庚辰朔犯北第二星四月辛卯犯鬼七月
辛亥入太微垣右掖門丙辰及八年六月丙午十年五月壬
辰俱犯右執法十一年十月戊午犯上將十二年二月癸酉
退入太微垣犯上相十三年九月丁酉犯靈臺上星癸卯犯
上將十月庚午犯左執法十一月甲午朔犯進賢十五年九
月庚申犯左執法十二月甲午入房北第一星十六年九月
壬申犯壘壁十七年十二月庚辰犯鉤鈴二十年十月壬子
退犯天街上星二十一年三月庚戌犯積薪二十二年十一
月辛卯退犯五諸侯洪熙元年正月庚辰留井四月癸卯入

鬼宣德元年十二月戊寅犯軒轅三年六月甲戌犯積尸十
月戊子犯太微西垣上將四年三月癸亥犯靈臺戊辰犯上
將四月丙申戊戌俱犯右執法九月丙辰犯天江五年九月
乙丑犯靈臺十月癸酉犯上將十一月己亥犯左執法丙午
犯進賢六年三月乙卯犯亢六月甲寅乙卯俱犯氏七月甲
戌犯房九月癸亥犯南斗杓七年九月辛酉犯上將十月己
酉犯進賢八年正月丁卯犯房庚辰犯東咸八月丙午犯南
斗魁十月甲戌犯壘壁九年十一月己卯犯氏十二月己酉
犯鉤鈴十年三月丁亥犯壘壁正統元年二月乙丑犯天街
十二月甲子犯天江二年四月乙亥犯壘壁三年三月甲辰
犯井五月庚寅犯積尸四年閏二月己卯朔犯壘壁五年二

月庚辰三月辛未俱犯井七年五月己丑犯右執法八年八月辛丑犯積尸九年五月癸酉犯左執法十年十月辛丑犯上將十一年二月乙卯三月丁酉俱犯平道七月丁亥犯氏九月辛未犯天江十三年正月丙午犯房北第一星二月戊午犯罰九月甲午犯狗十四年七月己卯朔入南斗久不退舍九月壬寅犯左執法十月乙丑犯進賢十一月乙未犯亢十二月丁未朔犯氏丙子犯房景泰元年九月丁未犯壘壁西第三星辛亥犯第四星庚申犯第六星十月辛未朔又犯十二月己丑犯第五星二年十一月丙申犯氏癸亥犯鉤鈴三年四月甲申與歲星同犯危四年正月庚午犯昴五年六月戊戌犯諸王六年三月丙辰犯井五月乙巳朔犯積尸七

年七月丁酉入井十月壬寅犯鬼天順元年二月癸未又犯
二年八月戊辰入鬼三年正月辛卯犯軒轅四月乙卯犯靈
臺五月癸卯犯右執法四年七月戊子犯天鰲八月丙辰入
鬼十月庚午犯上將閏十一月庚申犯上相五年正月戊午
退入太微垣三月癸亥犯右執法六年七月丙午入鬼九月
乙卯犯上將十一月丙午犯進賢七年正月辛亥入氐四月
辛酉退犯氐西南星七月壬辰犯東南星甲寅入犯房北第
二星八月己巳犯南斗杓成化元年正月丁巳犯東咸二月
癸卯犯天籥五月戊午留守南斗中己巳退犯魁第四星七
月癸酉又犯二年二月癸巳犯天陰三年八月乙未犯壘壁
四年二月己亥犯月星己酉犯天街五月庚辰犯鬼癸未犯

積尸十一年七月甲戌犯積薪八月癸未入鬼甲申犯積尸
十月乙未犯靈臺十二年四月壬辰犯上將及建十三年九
月癸未犯上將十一月庚辰犯進賢十四年正月乙丑犯亢
二月甲辰又犯十五年九月乙丑犯靈臺閏十月庚申犯進
賢十六年正月壬午朔犯房三月乙酉犯天江十月戊辰犯
壘壁十七年三月庚辰犯昴十八年五月甲戌八月丙辰十
月戊辰俱犯壘壁十九年十月庚辰犯氐十一月己酉犯鉤
鈐壬子犯東咸二十一年正月戊子犯天陰十一月壬戌犯
天江二十三年二月丁酉犯井弘治元年六月庚戌犯諸王
八月庚申犯積薪九月癸酉犯鬼甲戌犯積尸三年三月辛
酉犯鬼四年六月戊子犯諸王五年六月己亥犯積尸七月

癸酉入井十月乙巳犯靈臺十一月丙申犯上相六年二月
庚子犯平道三月甲戌犯上相四月丙申犯左執法七年十
二月癸亥犯亢八年二月戊寅犯房四月癸酉六月癸亥俱
犯氏十二月癸丑犯壘壁九年十二月己丑犯鉤鈴十一年
十一月乙未犯亢十三年正月壬戌犯天陰十四年四月庚
子犯壘壁十月乙卯犯天街十五年二月戊辰犯井十六年
七月丁丑犯諸王十七年四月癸卯十八年九月癸未正德
二年七月戊辰俱犯積尸三年四月乙丑犯右執法四年十
一月己未犯進賢五年三月癸亥犯亢六月丁卯犯房北第
二星七月丙子犯天關八月乙未犯天江十六年二月庚子
犯鬼六月壬午犯右執法嘉靖元年八月乙未犯積尸二年

正月庚戌入太微犯內屏閏四月丙寅犯右執法三年十月
癸巳犯上將十一月甲子犯左執法十二月癸巳犯進賢四
年二月戊午犯平道五年九月癸未犯上將十八年十一月
辛未犯上相十九年九月乙卯犯南斗杓二十一年八月戊
戌犯南斗二十三年正月壬寅犯房北第一星三月丁巳入
斗六月乙亥入箕六度逆行二舍二十四年十月丁巳犯臣
二十七年十一月甲申自畢逆行過昴至胃二舍餘二十九
年十二月甲戌逆行守井三十一年九月辛卯犯鬼三十五
年九月丁丑犯上將三十六年二月壬辰歷角天門入於軫
四月戊子自軫逆行二舍有餘三十九年十二月甲寅犯鉤
鈴四十二年十月甲戌自辛亥起胃至是逆行抵婁之次十

一月甲申逆行二舍乙未順次四十四年十二月壬申逆行
在井踰二舍隆慶二年六月乙未犯右執法三年八月丁未
犯鬼四年五月己卯犯右執法萬曆二年二月癸亥犯房五
月己卯犯氏五年十月辛丑又犯九年二月辛酉犯井十二
年十二月辛亥逆行張次十三年正月庚辰逆行入軛轅二
月戊申犯張又自張歷柳十五年正月丁酉逆行入軛二月
丁卯逆行翼次四月犯翼十七年二月己丑犯氏四月丁亥
自氏逆行歷元入角七月辛酉犯房第二星九月辛亥犯南
斗杓十九年四月乙巳六月壬子俱犯箕七月丁亥犯南斗
二十年十一月戊辰犯氏二十一年七月辛巳九月甲戌俱
犯室二十二年五月犯角二十七年八月甲辰犯奎二十八

二月丁酉逆行人角三十四年四月己巳犯心五月戊寅犯房癸未自心向房入於氏三十七年十一月丙戌犯氏三十八年八月辛卯逆行婁次四十二年十月犯柳四十四年十二月犯翼四十五年二月庚子逆行入星度四十七年正月犯軫二月丁巳逆行入軫辛未逆行入翼泰昌元年八月辛亥犯太徽右將天啓元年閏二月癸巳逆行入氏三年正月甲午犯房北第一星四月守南斗百日八月甲子出斗犯狗國十月甲申犯壘壁四年二月守斗五年九月乙卯逆行過壁室崇禎三年三月己酉入東井退舍復羸居數月又入鬼積尸四月己卯復犯積尸八月辛亥犯南斗魁八年九月

丁丑犯太微垣十一年自春至夏守尾百餘日四月己丑遊
行尾八度揜於月五月丁卯還尾漸入心十五年五月守心
垣星洪武十五年六月丁亥九月乙未俱犯畢十六年八月
己卯犯天關十七年閏十月丙辰犯井十八年七月己巳十
九年三月甲戌俱犯天鱗九月甲寅八鬼十月甲午留鬼二
十二年二月癸卯逆行軒轅二十三年正月戊子五月壬子
俱犯靈臺二十四年十月己未犯太微東垣上相二十五年
二月辛酉退犯上相己卯退入太微左掖二十八年正月癸
丑守氐四月乙丑退行入氐二十九年十一月甲子犯罰三
十年正月丙辰犯東咸五月壬子朔又犯罰永樂元年九月
丁丑躔女留代十二年七月戊子犯井十四年七月辛亥犯

鬼十七年九月丙子犯上將洪熙元年十一月辛酉宣德元年三月庚戌九月壬辰俱犯鍵閉正統元年八月丁亥退犯壘壁三年十一月乙酉犯外屏八年十一月庚午十二月壬子俱犯井十年三月丁丑犯天籟十三年九月丁亥犯靈臺景泰元年閏正月己酉入太微垣九月庚戌二年二月戊子俱犯上相庚寅退入太微左掖三年十月辛丑犯亢四年三月己未逆行犯亢七年七月己丑犯罰天順三年正月辛卯犯建四月癸酉守犯建七年閏七月戊午朔逆行犯壘壁十月癸丑又犯成化四年七月甲子犯天囷七年閏九月戊午犯南斗魁辛酉犯天高十二年十月辛卯守軒轅大星十五年四月己丑犯上將十七年二月己未犯進賢二十一年正

月庚戌犯罰弘治六年三月壬申犯壘壁八年十二月戊午
十年九月乙丑俱又犯十四年十一月辛卯犯諸王十五年
六月壬子十二月辛丑俱犯井十六年正月己卯犯井七月
辛卯犯天樽十七年七月辛亥犯積尸九月甲午犯鬼正德
二年八月癸巳犯靈臺十月甲戌犯上將三年五月甲子犯
靈臺五年二月戊申六月壬辰俱犯上相七年四月甲申犯
亢十五年二月丁卯犯羅堰十六年七月乙卯逆行犯代嘉
靖元年八月庚辰逆行犯壘壁二十二年五月甲子逆行入
氏留守三十七日隆慶三年三月庚午逆行犯上相萬曆三
十五年正月至六月逆行斗退留四十八年八月癸丑犯井
天啓元年正月丙戌逆行入井二年八月壬辰犯守鬼五年

十月丙戌犯上將太白洪武元年七月己巳朔犯井三年十
一月甲寅犯壘壁九年六月丁亥犯畢庚戌犯井八月犯上
將九月己未犯右執法十年十月壬子犯進賢十一年九月
丁丑犯氏十二月辛丑犯壘壁十二年三月壬子犯昴六月
丁亥犯井七月乙巳犯鬼十三年八月丙戌犯心十六年十
一月乙卯犯壘壁十七年七月癸卯犯天樽十二月丙申犯
壘壁十八年十月壬子犯亢十九年正月庚午犯牛二月己
丑犯壘壁七月己卯二十年八月己巳俱入太微垣二十一年
六月壬戌犯左執法二十二年正月己卯犯建五月癸巳犯
諸王十一月辛未入南斗十二月丁巳犯壘壁二十三年
月壬戌犯五諸侯六月丁丑留井十月庚午入亢二十四

七月庚戌入太微垣右掖辛卯犯右執法十月丙辰入南斗
二十五年閏十一月乙酉入壘壁二十六年二月癸卯犯天
街三月丙子朔犯諸王二十八年六月癸酉犯畢七月丙午
犯井巳酉出井犯東第三星閏九月壬申入角十月戊申犯
東咸二十九年七月戊辰入角八月癸丑犯心中星三十年
正月壬戌犯建十二月戊戌入壘壁三十一年正月乙亥犯
外屏五月丁未朔犯五諸侯建文四年六月庚子入太微右
掖八月甲子入角九月癸未入氐丙申入房十月癸亥入南
斗杓永樂元年四月乙丑出昴北六月丙辰犯畢七月甲申
入井八月巳酉犯鬼九月丙子朔犯軒轅左角十月辛未入
氐十一月丙戌犯鍵閉二年五月辛丑朔犯鬼七月巳酉入

角八月丁亥入房南第二星十一月丁巳犯東咸三年三月
丙申朔犯壘壁東第五星十二月巳巳犯西第三星四年二
月癸未犯天陰五月庚寅朔犯五諸侯七月庚戌犯井八月
丙申犯御女九月戊寅犯進賢十月乙卯犯房北第一星五
年七月癸丑犯右執法八月巳亥犯氏九月癸丑犯東咸十
月癸未犯南斗魁十一月辛未朔犯秦六年六月甲申犯諸
王丙申與歲星同犯井七月戊申犯天鱗七年二月丙戌犯
外屏十一月丁亥犯罰八年九月壬辰犯天江十一年五月
癸酉朔犯五諸侯閏九月巳酉犯左執法十三年八月庚寅
犯房北第二星十月乙丑朔犯南斗魁十四年六月丁卯犯
諸王十六年十一月甲子犯壘壁十七年七月戊午犯天鱗

八月癸巳犯軒轅大星十八年八月乙丑犯心後星十九年
十月癸卯犯天江十二月丁酉犯壘壁洪熙元年三月乙酉
犯昴四月丙辰犯井十月辛未犯李道辛巳犯亢宣德元年
十月戊辰犯南斗杓十一月己巳犯壘壁丙辰又犯二年正
月丙申犯外屏七月癸巳犯東井八月丙辰朔犯鬼丁巳又
犯乙亥犯軒轅大星九月丁酉犯右執法三年十一月甲子
犯罰五年二月丁酉犯昴九月丁未犯軒轅左角十一月壬
戌犯鍵閉六年九月丙戌犯南斗七年七月乙酉犯軒轅八
年十月癸亥犯亢十一月辛卯犯罰九年十一月壬辰犯壘
壁十年正月甲戌犯外屏六月庚申犯天關八月丙辰犯軒
轅九月壬申犯上將正統三年九月己丑十一年九月壬未

俱犯軒轅左角己丑犯右執法十月乙未朔犯左執法丙午
犯進賢十二年六月乙亥犯上將七月癸丑犯亢十四年正
月丁亥犯壘壁四月庚申犯井五月丁亥犯鬼七月癸卯犯
亢九月庚辰犯天江十一月丁亥犯亢景泰元年正月丁亥
犯亢閏正月庚申入壘壁八月甲申犯亢九月乙巳犯鉤鈐
壬戌犯天江十一月辛酉犯壘壁二年六月戊辰朔犯畢八
月壬寅入太微右掖三年四月丁卯犯諸王戊子犯井五月
壬子犯鬼六月乙酉犯靈臺戊子犯上將庚寅入太微右掖
七月壬寅犯左執法五年九月癸丑拚犯軒轅左角甲戌犯
左執法六年六月辛巳犯井己丑與熒惑同入太微右掖八
月戊午犯房北第二星九月甲午犯南斗魁七年七月辛未

犯鬼天順元年十二月甲午犯鍵閉丁酉犯罰二年正月丁卯犯建七月丙申行太微垣中九月甲寅犯南斗杓三年五月庚戌犯畢十月甲寅犯亢四年七月丁丑犯右執法甲申犯左執法六年九月乙未犯軒轅左角巳未犯左執法十月巳巳犯進賢七年九月丁丑犯南斗魁乙酉犯狗八年二月丙午與歲星同犯壘壁成化元年十二月丙午犯鍵閉二年正月乙卯犯斗三年二月丁未犯婁三月戊子犯外屏五月壬辰犯畢六月壬戌犯井七月甲申入鬼犯積尸八月癸卯入軒轅四年六月戊申犯靈臺五年二月癸巳犯牛九月丙子朔犯軒轅左角甲午子俱犯左執法七年九月壬午犯房北第二星閏九月戊午犯南斗魁十二月乙未犯牛及羅

堰八年二月甲申犯蠱壁六月庚午入井十二月丙戌犯蠱
壁九年四月巳卯犯五諸侯十月甲子犯左執法十一年三
月甲戌犯外屏七月庚戌犯天鱗八月丁酉犯靈臺庚子犯
上將九月癸丑犯左執法十二年三月庚午犯月星四月甲
午犯井十三年十二月甲午朔犯蠱壁十五年九月庚辰犯
天江十月庚子犯南門魁辛亥犯狗十七年二月丁卯犯天
陰五月丁酉犯軒轅九年八月丙寅又犯九月甲午犯左
執法庚辰犯房二十六年六月壬午犯左執法十二月庚辰犯
蠱壁二十二年六月庚子犯井八月甲午犯軒轅十一月乙
亥犯進賢十二月庚戌犯房二十三年八月甲申犯亢弘治
元年二月癸丑犯壁六月庚戌犯鬼七月丙子犯軒轅大

星癸未犯左角戊子犯靈臺二年正月庚辰犯外屏二月丁未犯壘壁十月己丑犯左執法三年正月壬申犯羅堰十一月戊戌犯壘壁四年六月癸丑犯天關六年二月庚子犯羅堰甲子犯壘壁西第六星三月甲申犯東第四星七年二月辛未犯昴七月壬子犯鬼八月辛巳犯軒轅左角九月丁亥犯靈臺壬寅犯亢十一月壬辰犯房乙未犯罰丙午犯天江九年二月戊午犯羅堰七月己未犯軒轅大星十年十月辛未犯左執法十二月戊辰朔犯東咸十一年十月辛未犯天江十二年七月辛未犯鬼九月戊午朔犯左執法十三年十一月乙未犯罰十四年正月辛酉犯建二月壬午犯羅堰十一月己亥犯壘壁十五年二月甲寅犯昴五月己丑犯天高

十一月癸酉犯井十六年三月辛卯犯諸王九月甲申犯天
江十月丁未犯南斗魁丁丑犯狗十一月辛巳犯羅堰十七
年五月巳亥犯諸王七月丙辰犯上將十八年九月丙午犯
右執法正德元年春守軒轅十二月癸丑犯壘壁二年三月
壬申犯外屏五月巳巳犯天高九月辛丑朔犯進賢三年十
月丙戌犯亢四年正月巳酉犯建五年八月巳亥犯軒轅大
星十月丙申犯亢六年七月辛酉犯左執法十月丁亥犯斗
十一月癸亥犯羅堰七年閏五月丁酉犯鉞六月甲子犯積
尸八年正月丙戌犯外屏七月丁亥犯酒旗八月戊申犯軒
轅右角十年八月丁卯犯上將丁丑犯左執法十三年七月
戊戌犯井巳未犯鬼十四年十月戊辰犯南斗癸未犯狗十

六年四月癸卯犯鬼八月己丑犯軒轅右角九月乙亥犯左
執法十月戊子犯進賢十一月丁卯犯鍵閉十二月庚子犯
建嘉靖元年正月丙辰犯牛八月戊子犯南斗杓二年六月
癸丑犯井七月丙子犯鬼八月辛酉犯左執法四年正月丁
卯犯建五年六月庚辰犯井六年六月丁卯犯靈臺八年二
月庚寅犯天衝隆慶元年十月甲申入南斗萬曆二十四年
四月戊午犯井三十四年二月甲子犯昴四十六年四月乙
卯犯御女泰昌元年八月丙午朔犯太微垣勾巳天啓三年
九月犯心中星五年九月壬申犯左執法甲申犯御女辰星
洪武十一年十二月庚戌犯南斗十五年四月丁亥犯東井
十八年八月丁酉入太微垣二十一年十月壬子入氏二十

二年十月癸卯又犯二十五年八月庚午犯上將二十七年
七月辛丑犯鬼十一月庚子犯鍵閉二十八年正月丁酉犯
壘壁五月甲辰犯天罇三十年十二月甲辰犯建建文四年
六月庚午犯積薪永樂二年四月丁酉犯畢癸卯犯諸王五
月丁卯犯軒轅大星十月己丑犯南斗杓三年六月己卯犯
軒轅大星六年正月庚戌朔犯壘壁二月癸巳又犯十六年
正月丙寅掩角六月戊子犯軒轅大星宣德元年五月丁未
犯鬼二年十一月丙戌犯氏五年閏十二月丁酉犯建戊戌
又犯七年五月辛巳犯積薪正統十三年十月丙辰犯亢景
泰四年五月己未犯積薪成化十二年三月壬戌犯昴弘治
五年十一月庚辰犯罰十二年六月壬子犯鬼十月壬子犯

明史彙

志第二終

明史藁

志第三

光祿大夫

經筵講官明史總裁戶部尚書加七級

臣王鴻緒奉

敕編撰

天文三

五緯犯太陰

五緯相犯

五緯相合

五緯俱見

星晝見

緯星晝見

老人星

瑞星

妖星

彗孛

客星

星變

星流星隕

雲氣

五緯犯太陰凡自上而歷下曰乘迫而及之曰犯五星之行無疾於月之理且月恒在星下若謂自上而歷第可云乘不

當云犯也月至而星沒者日月食星星在日中曰星食月月既在星之下星安得在月中靈臺候簿所書有星犯月星入月之條前史傳諸書亦屢識五星入月其理有不可曉者史以從信姑仍其舊而已洪武二三年十月壬午填星行太微端門中月在太微垣內十一月癸卯永樂四年正月戊午宣德二年正月癸卯俱熒惑犯月天順九年三月戊辰月與太白光芒相並弘治十二年七月甲戌曉南京見熒惑入月萬曆十八年七月太白經天蝕月二十年十月填星蝕月四十四年五月熒惑襲月崇禎十七年正月太白蝕月

五緯相犯洪武六年三月戊申熒惑犯填星六月壬辰太白犯歲星八年三月癸亥熒惑犯填星二十二年六月丙辰辰

星犯太白二十七年三月乙丑歲星犯熒惑於奎永樂三年
三月戊戌太白犯歲星十一月癸巳朔太白犯辰星於箕四
年正月癸卯太白犯歲星五年七月甲子熒惑犯填星十二
年十一月丁卯太白犯歲星十四年七月乙巳太白犯填星
二十年九月乙亥太白犯歲星十月巳酉太白犯填星洪熙
元年十一月丙午曉太白犯填星宣德元年十一月戊戌曉
辰星犯填七年六月巳酉曉太白犯歲七月辛巳曉太白犯
熒惑九年十一月巳亥填星犯太白十年十月庚子熒惑犯
填正統元年五月戊寅太白與熒惑相犯於井二年五月辛
丑熒惑犯填三年十二月戊寅太白犯歲五年五月丙午曉
太白犯填七年九月戊午太白與熒惑相犯在氐十一年九

月丁亥太白犯歲十二年七月戊午曉熒惑犯壇十四年二月
月巳卯太白犯熒惑七月丙午熒惑犯壇景泰元年閏正月
丁卯熒惑犯歲天順七年十一月乙卯朔熒惑犯壇成化六
年九月乙亥太白犯歲十一年七月戊辰曉太白犯壇十三
年九月丙寅熒惑犯壇十六年六月壬申曉太白歲星相犯
弘治二年正月戊辰太白犯歲十一月壬午太白犯壇三年
正月庚申太白犯壇五年八月丁未曉熒惑犯歲六年十一
月巳未太白犯壇七年九月甲寅曉及十年正月丙辰曉熒
惑犯歲十二月庚辰曉辰星犯歲十七年閏四月癸酉歲星
犯壇正德二年十月癸未熒惑犯上將及壇八年正月壬午
及十六年十二月丙午夜曉刻嘉靖元年正月巳未俱太白

與歲星相犯十二月甲戌太白與垣相犯三年正月癸酉歲
星太白相犯二十九年六月庚辰熒惑犯歲守井萬曆五年
十二月辛丑太白犯垣於斗九年十二月癸巳夜太白與垣
相犯入危十一年六月丁丑太白犯熒惑十五年五月己亥
太白犯垣二十四年己酉太白與歲相犯入奎二十五年七
月甲辰熒惑犯歲二十七年閏四月庚寅太白犯辰星於井
三十四年十一月庚辰熒惑拚犯歲星於危甲辰熒惑犯歲
三十八年十一月辛亥太白犯垣於虛四十七年三月壬子
曉太白與歲星相犯於壁天啓元年八月丙申熒惑太白鬪
於西方歷兩日同度崇禎九年六月己亥太白犯歲於張
五緯相合凡二緯同宿爲合三星以上爲聚三星合是謂驚

彗絕行有兵四星合爲盪洪武十四年六月癸未辰星熒惑
太白聚於井十七年六月丙戌曉歲星填星太白聚於參十
八年三月戊寅歲與填會戊子填星歲星太白聚於井二十
四年七月戊子太白熒惑填歲聚於翼十一月乙未辰與歲
同在南斗十二月甲子熒惑與辰同在箕二十五年正月辛
丑熒惑歲星同在牛二十六年十月壬辰太白填星同度永
樂元年九月甲午辰與太白俱見東方二年四月戊子太白
熒惑同在牛正統十四年九月壬寅太白填熒惑集於翼十
二月辛未太白歲星合於尾景泰元年十月壬申太白與歲
合於箕十二月己丑辰與歲同度二年九月庚申曉太白熒
惑填聚於軫四年三月乙丑太白歲合於壁五年正月戊辰

太白歲合於奎六月巳酉熒惑歲合於胃十一月巳未曉太
白壇合於氏七年三月戊戌曉太白熒惑合於奎十月戊申
夜曉刻歲與熒惑合於鬼天順元年五月乙丑太白歲合於
井十二月丙辰太白壇合於心二年九月甲寅太白壇合於
斗三年九月乙巳太白歲合於角四年十月壬申夜曉刻歲
熒惑辰太白聚於氏五年十一月巳亥壇熒惑聚於牛甲子
太白熒惑合於虛六年九月甲午曉太白熒惑合於張七年
十月庚寅歲熒惑合於女庚戌太白歲合於女八年二月丙
午歲壇太白聚於危成化四年四月癸巳歲熒惑合於井壬
子及七年七月庚子太白歲合於井十一年八月甲午曉熒
惑與壇同度弘治十三年四月癸丑熒惑太白辰聚於東井

十六年八月庚申熒惑歲壇同躔於井十八年五月丙申太
白歲合於星九月乙未太白歲相合正德二年九月戊辰辰
歲太白聚於亢嘉靖十九年九月乙卯太白辰壇聚於角二
十三年正月癸卯熒惑歲壇聚於房四十二年七月戊戌太
白歲壇聚於井四十三年四月庚子歲壇熒惑太白聚於柳
萬曆十七年十二月辛卯太白熒惑相合二十年六月壬子
曉太白辰壇聚於井三十二年九月辛酉歲壇熒惑聚於尾
崇禎七年閏八月丙午至九月壬申壇熒惑太白聚於尾十
年十一月巳卯歲熒惑合於亢甲午壇辰同度

五緯俱見五星遲速不同會聚匪易或連珠如周武聚房漢
高聚東井或並見如慶曆俱見東方又如大中祥符初五星

順行同色淳熙時七曜聚軫皆曠世一觀也明五星之聚世
熹兩朝凡再見云洪武十八年二月乙巳初昏金木水火土
五星並見二十年二月壬午朔夕五星皆見永樂元年五月
甲辰夜曉刻五星俱見於東方嘉靖三年正月壬午五星聚
於營室天啓四年七月丙寅五星聚張凡四日

星晝見占爲臣強爲更王洪武十九年七月癸巳二十年五
月丁丑七月壬寅二十一年十二月丁卯俱三辰晝見弘治
十八年九月甲午申刻河鼓見東南北斗見西北庚子恒星
晝見正德元年二月癸酉星斗晝見嘉靖三十五年八月辛
亥肅州衛有星晝見從西行至東天啓二年五月壬寅有星
隨日晝見崇禎十六年十二月辛酉朔日無光星晝見

緯星晝見觀象玩占曰歲星晝見其地有兵熒惑晝見臣謀
主所在分兵大起填星晝見臣謀君大將死辰星晝見其國
大亂刑獄煩太白晝見各以宿占其國兵起凡太白出東入
西出西入東過午者爲經天其災尤甚明實錄所載但有歲
星熒惑太白三星之晝見者歲星景泰二年九月甲辰晝見
三年六月壬戌四年五月丁丑六月甲辰五年七月庚戌壬
子癸亥六年七月丁酉天順元年五月丙子五年七月乙卯
六年八月庚午七年三月乙巳成化十四年八月丁酉十六
年七月丙申十八年九月癸亥弘治元年六月甲寅二年五
月癸亥六月甲午並如之三年七月庚午南京晝見色赤黃
四年七月丁亥南京晝見五年十月巳酉晝見辛酉南京晝

見六年九月甲午如之癸卯晝見七年十一月癸卯九年二月辛亥至甲寅四月壬午並如之十年正月癸丑南京晝見甲寅至丙辰晝見十一年四月己丑南京晝見八月甲申晝見十四年六月壬辰至乙未如之十五年六月連日晝見十六年七月辛卯晝見十七年七月壬子如之九月辛丑南京晝見午位十八年五月乙未晝見八月辛巳至九月癸未如之庚子南京晝見正德元年十一月乙酉晝見二年十一月辛酉至丁卯六年三月壬寅至四月壬申九年八月乙巳至甲寅十二年十月甲子至乙巳並如之嘉靖二十九年八月戊寅晝見守井崇禎十一年四月晝見熒惑景泰三年八月甲子晝見於未位崇禎十年五月晝見太白洪武四年二月

戊戌書見四月戊申六月壬午朔五年六月甲申至丁亥十
二月甲申八年八月丁巳九年二月丁巳至己酉三月壬申
十二年閏五月戊戌十三年七月甲午十五年四月丁亥七
月戊申辛酉九月丁未朔十六年十月壬辰至乙未十八年
四月己亥至辛丑六月丙申至辛丑又是月辛亥並如之九
月戊寅經天與熒惑同度乙酉書見丁亥又見犯熒惑十月
癸巳至丙申書見戊戌至辛丑十九年正月甲申朔至庚寅
並如之二十年五月戊戌經天七月壬寅至十一月四月己
巳二十一年七月丙申二十三年三月丁亥二十四年八月
辛巳二十五年二月辛酉二十六年四月甲辰並如之八月
庚子與太白同書見建文四年七月庚子經天永樂元年五

月癸未癸卯俱與太陰同晝見辰位六月壬申與太陰晝見
四年七月壬寅晝見五年八月丙申六年二月甲辰八年十
月庚戌十二年九月癸未十五年七月巳酉八月庚戌洪熙
元年六月戊戌七月乙巳八月癸巳宣德六年十月乙巳並
如之八年九月戊戌晝見凡十有七日九年十二月甲子晝
見十年七月丁亥正統四年七月壬子十月丙申六年五月
庚戌並如之十一年七月甲申經天十三年二月辛酉晝見
十四年正月辛亥八月丙子景泰元年十月乙酉二年五月
庚子辛亥並如之壬子經天三年五月丁巳晝見十一月壬
戌五年正月甲戌二月丙戌六月癸卯七年正月戊戌天順
元年四月甲午八月壬子二年十月巳未三年四月癸亥癸

西四年十一月庚寅十二月丙戌五年正月丁未十二月癸巳六年六月巳丑八月庚午七年閏七月辛酉癸未八年正月庚申成化元年二月癸未三年四月癸丑四年六月丙申六年六月丙戌七年八月癸卯並如之八年正月乙卯經天與日爭明十一年五月巳未晝見十二年十月丙戌十三年十二月甲午並如之十四年六月庚子與歲星俱晝見八月甲午晝見十五年十二月丙子如之十七年三月癸未酉刻見八月癸亥晝見十八年九月庚戌十九年四月癸亥朔並如之二十年八月壬申與歲星俱晝見二十一年十一月丙辰晝見二十二年六月巳丑二十三年九月丙午弘治元年五月庚午二年正月壬戌三月庚申五月丙戌八月癸巳庚

子並如之三年閏九月甲辰南京晝見四年四月辛酉如之
辛未晝見五年五月乙亥如之壬辰南京晝見十月辛酉晝
見十一月巳巳南京晝見六年十二月辛酉朔如之乙丑晝
見七年五月庚戌如之六月辛酉南京晝見八年七月戊子
晝見九年正月乙未南京晝見二月巳酉朔晝見十五年正
月甲子至丁卯如之二月乙酉南京晝見六月丙子未刻經
天八月甲戌南京晝見癸未及十一年十月辛巳晝見十二
年三月戊辰至壬申如之庚辰南京晝見八月庚寅晝見十
三年四月丙申南京晝見庚子晝見至乙巳歲星同見十月
丁未晝見巳酉如之十四年十一月巳丑南京晝見十二月
庚戌晝見十五年五月庚寅至癸巳如之十六年七月壬申

南京書見壬辰書見八月甲辰南京書見十七年二月癸巳
如之戊戌書見六月癸亥十八年二月壬戌如之乙丑南京
書見五月辛亥經天八月癸亥至戊辰書見正德元年十月
巳未如之二年正月庚辰經天三月戊辰書見三年五月乙
巳至丁未十月巳卯庚辰四年十月戊戌至乙巳五年五月
丙子六年七月壬申至八月癸未八年正月丙戌至巳丑四
月壬戌癸亥八月庚戌至乙卯九年十一月甲申至十二月
丙寅十一年六月甲寅至巳未十四年八月丙寅至庚辰十
五年二月巳未至二月辛酉十六年八月丁亥嘉靖元年九
月辛未並如之二年三月辛未與歲星俱書見三年四月庚
戌書見五年五月庚子十一年四月癸巳十月辛巳戊子十

一月甲寅十三年閏二月庚申並如之五月癸巳與月同晝
見十七年九月辛卯晝見十八年四月癸亥十一月壬寅二
十年十一月乙巳至丁未二十二年七月丙午二十三年二
月辛巳二十四年閏正月戊寅二十五年十月辛卯二十六
年四月丙申二十七年四月丁巳十一月丙戌至乙未二十
八年十一月乙酉至己丑並如之二十九年六月戊申晝見
自巳酉至癸丑陰雲甲寅復晝見三十年六月丙子至辛巳
晝見三十一年正月丙戌至丙申三十二年二月辛未至甲
戌七月戊辰至辛未三十五年五月壬午十月癸卯至丙午
三十六年十二月庚辰朔三十八年七月癸酉三十九年正
月庚寅至壬辰並如之四十年三月丙子晝見連二十四日

八月辛未書見四十二年九月乙未四十二年四月巳巳至
壬申竝如之四十二年五月甲寅書見十月戊子書見連二
十二年四月十五年正月巳亥書見隆慶元年七月辛酉二年
正月甲寅竝如之三年三月甲子書見連二十二日四年十
一月乙丑至丁卯書見萬曆十一年七月辛丑十二年七月
癸巳十六年九月丁丑二十一年八月甲午二十四年十月
丙寅竝如之二十七年九月辛亥經天與太陰同在尾度書
見二十九年十月經天三十七年三月辛丑書見未位三十
八年十月辛巳書見四十年五月壬寅天啓二年二月丙戌
三年三月丁巳十二月乙丑五年四月癸未竝如之七月癸
酉經天崇禎元年七月壬戌書見三年四月巳卯十二月丙

辰十年春竝如之六月經天十月晝見怒赤

老人星亦曰壽星在弧矢南故南極下井宿之星也凡地居赤道北者大抵於春秋二分時見之天文家以爲人主壽昌天下治平之應宋東都以前史不絕書徽宗朝至四十見而明成祖孝宗時亦屢載於國史宣宗景帝時一書英宗時三書神宗時再書餘無考焉疑史失之也今卽所紀者著之永樂元年八月庚午曉老人星見丙位三年八月丁丑見南極色黃潤四年二月庚辰昏見丁位閏七月癸未旦五年八月癸巳七年七月丁酉旦八年八月辛酉十年八月丙寅俱見十三年八月戊寅旦見丙位色赤黃明潤十四年八月癸酉十五年七月戊寅十六年八月丙戌十七年八月甲午十

八年七月庚寅十九年八月庚子二十年八月辛亥二十一年八月戊午宣德十年八月丁卯景泰二年八月戊子天順五年八月乙亥七年二月癸亥八月戊子俱見弘治元年二月戊戌南京見八月己亥曉見二年二月壬寅南京見三年二月乙酉見八月丙午曉四年二月壬子昏八月癸丑曉五年二月甲寅昏八月戊午曉六年二月辛酉昏七月庚申七年二月甲戌昏八月乙丑八年二月庚午昏九年二月乙亥昏八月辛巳夜十年二月壬午昏八月壬午曉十一年二月乙酉八月己丑曉十二年八月壬辰十三年二月丙午昏八月丁酉夜十四年二月壬寅九月丁丑曉十五年二月辛酉八月癸丑十六年二月乙卯昏八月丁巳夜十七年二月戊

午昏八月戊辰夜十八年二月壬戌八月甲子曉萬曆三十
六年二月己未俱見八月丙子南京見

瑞星有五景星周伯含譽格澤歸邪洪永宣三朝德星屢集
惟格澤未見而文星未知指何星也自後絕不書洪武九年
六月太史奏文星見二十一年二月丙寅有星出東壁占曰
文士效用帝大喜以爲將策進士兆也永樂二年十月庚辰
輦道東南有星如盞黃色光潤出而不行蓋周伯星也宣德
五年十二月丁亥含譽星見如彈丸大黃白光潤見九旂旁
旬有五日六年三月壬午又見八年閏八月戊午景星見西
北方天門青赤黃三大如椀明朗清潤良久聚半月形丁丑
歸邪星見東南方色黃赤如星非星如雲非雲或曰有兩赤

彗見則有歸國者

妖星之名數十明實錄所載可按而書者曰蚩尤旗曰國皇曰蓬星曰長庚曰枉矢曰天狗曰旄頭曰營頭若天欃天槍殆卽彗孛之別名也宣德五年十月丙申蓬星見色如粉絮大如二斗器出外屏南東南行經天倉天庾八日始滅正統十四年十月癸丑有星大如杯赤光燭地出三師西北抵少彘尾跡化蒼白氣長五尺餘狀如蛇徐西行蓋枉矢也天順三年甲申大星赤光曲曲如蛇流危宿八年二月壬子東方有流星如椀光燭地自天市至天津尾跡化蒼白雲氣如蛇形長丈餘良久散成化二十三年十月乙亥西北流星如彗自北東行至河內曲曲如蛇行弘治元年八月戊申巳刻

南方流星如蓋自南行丈餘大如椀西南至近濁尾化白雲
屈曲蛇行而散皆枉矢也正德二年有大星自正南起西南
流墜於寧夏復有赤光一道濶三尺長五丈按星如匹練是
爲長庚十六年正月甲寅朔寅刻東南有星如火變白長可
六七尺橫懸東西復變勾屈之狀良久乃散古者曰梁普通
中有星晨見南方光爛如火名爲國皇又風角書凡妖星以
五寅日出見是日正甲寅也嘉靖元年八月壬辰赤星如蓋
起勾陳至紫微藩外尾跡化白氣曲如蛇行八年正月立春
日長星亘天七月又如之萬曆三十七年西南有星獨大芒
刺四射旄頭星也主兵或云亦彗屬四十六年九月乙卯蚩
尤旗見於東南東至軫西入翼一十九日而滅崇禎九年冬

天狗見豫分十七年三月營頭星晝隕聲如雷天狗隕尾長竟天

彗爲除舊布新之象其夕見者必東指晨見者必西指蓋光芒以傅日而生也彗亦彗類大約偏指謂之彗芒氣四出則曰彗爲災更甚於彗考春秋傳云彗卽彗也因連舉之曰彗彗洪武元年正月庚寅彗星見於昴畢三月辛卯彗星出昴北大陵天船間長八尺餘指文昌近五車四月巳酉沒於五車北六年四月彗星三入紫微垣二十四年四月丙子彗見二一入紫微垣闔闔門犯天牀一犯六甲掃五帝座永樂五年十一月丙寅彗星見宣德六年四月戊戌有星彗於東井長五尺餘七年正月壬戌彗星出東方長丈餘尾掃天津東

南行十月始滅是月戊子又出西方十有七日而滅八年閏
八月壬子彗星出天倉旁長丈許巳巳入貫索掃七公巳卯
復入天市垣掃晉星二十有四日而滅正統四年閏二月巳
丑彗星見張宿旁大如彈丁酉長五丈餘西行掃酒旗迤北
犯鬼宿六月戊寅彗星見畢宿長丈餘指西南至七月二十
五日乃沒九年七月庚午彗星見太微東垣長丈許累日漸
長至閏七月巳卯入角沒十四年十二月壬子彗星見天市
垣市樓旁歷尾度長尺餘巳復加倍至乙亥不見景泰元年
正月壬午彗星出天市垣外掃天紀星三年三月甲午朔有
星孛於畢七年四月壬戌彗星東北見於胃長二尺指西南
五月癸酉漸長丈餘戊子西北見於柳長九尺餘掃犯軒轅

星甲午見於張長七尺餘掃太微北西南行六月壬寅入太
微垣長五尺餘十二月甲寅彗星復見於畢長五寸東南行
漸長至癸亥而沒天順元年五月丙戌彗星見於危若動搖
者東行一度甚長五寸指西南六月癸巳朔見室長丈餘由
尾至東壁犯天大將軍卷舌第三星井宿水位南第二星十
月己亥彗星復見於角長五寸餘指北犯角北星及平道東
星五年六月戊戌彗星見東方指西南入井度七月丙寅始
滅成化元年二月彗星見三月又見西北長三丈餘三閱月
而沒四年九月己未客星見星五度東北行越五日甚長三
丈餘尾指西南變爲彗星其後晨見東方昏見室南犯三公
北斗瑤光七公轉入天市垣出垣漸小犯天屏西第一星十

一月庚辰始滅七年十二月甲戌彗星見天田西指尋北行
犯右攝提掃太微垣上將及幸臣太子從官尾指正西橫掃
太微垣郎位巳卯光芒長大東西竟天北行二十八度餘犯
天槍掃北斗三公太陽入紫微垣內正晝猶見自帝星北斗
魁庶子后宮勾陳天樞三師天牢中台天臬大帝上衛閣道
文昌上台無所不犯乙酉南行犯婁天河天陰外屏天囷八
年正月丙午夜行奎宿外屏星漸微久之始滅弘治三年十
一月戊戌彗星見天津南尾指東北犯人星歷杵白十二月
戊申朔入營室庚申犯天倉十三年四月甲午彗星見壘壁
陣上入室壁間漸長三尺餘指離宮掃造父過太微垣漸微
入紫微垣近女史犯尚書六月丁酉沒正德元年七月巳丑

有星見紫微西藩外如彈丸色蒼白越數日有微芒見參井間漸長二尺徧掃如帚西北至文昌庚子彗星見有光流東南長三尺越三日長五尺許掃下台上星入太微垣十五年正月彗星見嘉靖二年六月有星孛於天市十年閏六月乙巳彗星見於東井長尺餘掃軒轅第一星芒漸長至翼長七尺餘東北掃天樽入太微垣掃郎位星行角度東南掃亢北第二星漸斂積三十四日而沒十一年八月己卯彗星見東井長尺許後東北行歷天津漸至丈餘掃太微垣諸星及角宿天門至十二月甲戌凡一百十五日而滅十二年六月辛巳彗星見於五車長五尺餘掃大陵及天大將軍漸長丈餘掃閣道犯騰蛇至八月戊戌而滅十八年四月庚戌彗星見

長三尺許光指東南掃軒轅北第八星旬日始滅三十三年
五月癸亥彗星見天權傍犯文昌行入近濁積二十七日而
沒三十五年正月庚辰彗星見進賢旁長尺許西南指漸至
三尺餘歷掃太微垣次相東北入紫微垣天牀四月二日滅
三十六年九月戊辰彗星見天市垣列肆旁東北指至十月
二十三日滅隆慶三年十月辛丑朔彗星見天市垣東北指
至庚申滅萬曆五年十月戊子彗星見西南蒼白色長數丈
氣戾日虹由尾箕越斗牛逼女經月而滅八年八月庚申彗
星見東南方每夜漸長縱黃河漢凡七十日有奇十年四月
丙辰彗星見西北形如匹練尾指五車歷二十餘日滅十三
年九月戊子彗星出羽林旁長尺許每夕東行漸小至十月

癸酉滅十九年三月丙辰西北有星如彗長尺餘歷胃室壁
長二尺間三月丙寅朔入婁二十一年七月乙卯彗星見東
井乙亥逆行入紫微垣犯華蓋二十四年七月丁丑彗星見
西北如彈丸入翼長尺餘往西北行三十五年八月辛酉朔
彗星見東井指西南漸往西北壬午自房歷心滅四十六年
十月乙丑彗星出於氏長丈餘指東南漸指西北掃犯太陽
守星入亢七度西北掃北斗喉璣文昌五車逼紫微垣右亢
六度至十一月甲辰滅丙寅且有花白星見東方四十七
年正月杪彗見東南長數百尺光芒下射末曲而銳未幾見
於東北又未幾見於西崇禎十二年秋彗星見參分十三年
十月丙戌彗星見

客星洪武九年六月戊子客星大如彈丸白色止天倉經外
屏卷舌入紫微垣掃文昌指內廚又掃文昌入於張七月乙
亥滅十一年九月己丑客星掃天弁西南行入尾先是甲戌
見於五車東北入紫微發芒丈餘掃內階又入紫微宮掃北
極五星犯東垣少宰入天市垣犯天市至十月己未陰雲不
見十八年九月戊寅客星入紫微垣犯右執法出端門乙酉
入翼彗長丈餘宣德五年八月庚寅客星見河南旁如彈丸
大色青黑凡二十有六日滅天順二年十一月癸卯夜客星
見於星宿色白西行至丙午其體微狀如粉絮在軒轅旁庚
戌生芒五寸犯耀位西北星十二月壬戌沒於東井五年六
月壬辰天市垣宗正旁有異星見色粉白至乙未化爲白氣

而清六年六月丙寅客星見於策星旁色蒼白入紫微垣犯
天津居申台下積十八日形漸微弘治三年十二月丁巳客
星~~然~~吳市垣內東南行戊辰昏見天倉下漸向壁七年十二
月丙寅吳江旁客星見徐行近斗至八年正月庚戌曉入危
犯上星十二年七月戊辰客星見天市垣宗星旁經紫微垣
東蕃少宰尚書抵太子后由西蕃少輔出八月己丑不見十
五年十月戊辰客星見天廟旁行翼抵張戊寅滅嘉靖十一
年二月壬午有星見東南積十九日滅十三年五月丁卯朔
客星見騰蛇歷天殿入閣道至二十四日滅十五年三月戊
午客星見天棊旁東行歷天廚西入天漢至四月壬辰~~二~~
十四年十一月壬午客星出天棊入箕轉東北逾月

六年正月戊辰有大星如日出自西方衆星皆西環十二年六月巳酉有異星出房三十二年九月乙丑西南生異星大如彈色赤黃見尾分至十月而隱十二月辛酉轉出東南方仍在尾明年二月漸暗八月丁卯始滅天啓元年四月癸酉初昏赤星見於東方

星變星數有恒形體有定然或怒張動搖行道紊錯隱暗無光疎拆奔鬪凡此失常皆爲象緯之變也洪武二十五年三月丙午辰星隱至四月戊辰復見二十八年閏九月辛巳壘壁陣星疎拆復聚二十九年八月井東北第二星漸暗小促聚不端列十二月五星紊度三十一年五月癸亥壘壁陣星疎者就聚正統元年九月丁巳十四年十月辛亥俱狼星動

搖景泰元年閏正月巳酉昏刻辰星在女度當見不見成化
六年丁巳熒惑無光十三年九月乙丑朔歲星光芒炫耀而
有五色正德元年八月大角及心中星動搖不止北斗中璿
璣權三星不宿萬曆四十四年權星暗小輔星沉沒四十六
年九月太白光芒四映如月影四十七年二月遼東馬涼甸
見五星相鬪天啓元年八月丙申熒惑太白鬪西方歷兩月
同度五年七月壬申熒惑色赤體大有光芒崇禎九年十二
月熒惑如炬在太微垣東南十二年五月紫宿下移十月垣
星昏暈十三年六月泰階拆九月五車中隱三柱不見十月
參足突出玉井十六年正月熒惑逆行失度十七年二月河
鼓拆垣星歲星皆失光道熒惑怒角三月壬辰欽天監正戈

承科奏帝星下移已又軒轅星絕續不常大小失次文昌星
拆天津拆瑤光拆芒角黑青

星流星隕昔人皆以爲星變然靈臺候簿飛流之記無夜無
有小者多不勝書亦無甚關災異擇而錄之可也洪武三年
十月庚辰有赤星如桃起天桴至壘壁陣抵羽林軍爆散有
聲五小星隨之至土司空傍發光燭天忽大如碗曳赤尾至
天倉沒須臾東南有聲二十二年七月甲午有星自外屏西
南流三丈餘化爲白雲三十一年九月有長星西隕聲如雷
永樂元年閏十一月丁卯有蒼星大如斗光燭地出中天雲
中西南行隆隆有聲流三丈餘至雲中二十二年五月己亥
有星如盞青白光燭地起東南雲中西北行至雲中有聲如

砲七月庚寅有赤光星如椀起奎入參炸散衆星搖動九月
戊戌有黃白星大如梭見牛光燭地有聲如撒沙石宣德元
年十二月己巳有赤光星如椀出卷舌東行過東井墮地有
聲如雷正統元年八月乙酉昏刻至曉大小流星百餘四年
八月癸卯大小流星二百六十餘景泰二年六月丙申大小
流星八十有五八月壬午有赤星二一如桃一如斗有光燭
地一出紫微西蕃北行至陰德三小星隨之一出天津東南
行至河南十餘小星隨之尾跡炸散有聲如雷成化十二年
十一月乙丑延綏波羅堡有星二形如輓軸一墜樊家溝一
墜本堡紅光燭天二十年五月丙申有大星墜番昶縣東南
聲如雷散爲小星十餘旣而天地皆晦良久乃復二十一年

正月甲申朔申刻有火光自中天少西下墜化白氣復曲折
上騰有聲踰時西方有赤星大如椀自中天西行近濁尾跡
化白氣曲曲如蛇行良久正西轟轟如雷震地弘治四年十
月丁巳有星赤光如電自西南往東北聲如鼓隕光山縣化
爲石如斗光州商城亦見大星飛空如光山所見十一月甲
戌星隕真定西北紅光燭天天鳴西南如鼓又若奔車七年
五月宣府山西河南彗星隕八年四月辛未有星如輪流至
西北隕於鉛山縣其聲如雷九年閏三月戊午平涼東南有
流星如月紅光燭地至西北止旣而天鼓鳴十年正月壬子
有星大如斗色黃白光長三十餘丈一小星隨之隕於寧夏
西北隅天鳴如雷者數聲九月乙巳有星如斗光掩月流自

西北隕於永平有聲十一年正月癸亥有流星隕於肅州大如房響如雷長久滅十月壬申曉東方赤星如盃行丈餘光如斗燭地東南行小星數十隨之十四年閏七月辛巳山東有星大如車輪赤光燭天自東南往西北隕於壽光大鼓鳴十六年正月己酉南京有星晝流正德元年十二月庚午有星如椀隕寧夏中衛空中有紅光大二畝五年四月丁亥雷州有大星如月自東南流西北分爲二尾如彗隨沒聲如雷六年八月癸卯有流星如箕尾長四五丈紅光燭天自西北轉東南三首一尾墜四川崇慶衛色化爲白復起綠焔高二丈餘聲如雷震九年十月戊午有流星如火自東南往西北尾長數十丈光芒燭地隕於大足縣少頃雷震南方竟刻乃

止十五年正月丁未酉刻有星隕於山西龍舟谷巡檢司驛
事四月丙戌陝西鞏昌府有星如日色赤自東方流西南隕
於鞏昌天鼓鳴嘉靖十二年九月丙子流星如盞光照地自
中台東北行近濁尾跡化爲白氣四更至五更四方大小流
星縱橫交行不計其數至明乃息十四年九月戊子開封白
晝天鼓鳴有星如盞東南流衆小星從之如珠十九年五月
辛丑星隕棗強爲石四萬曆三年五月癸亥晝景州天鼓鳴
隕流星二化爲黑石四年十一月甲午有四星隕費縣火光
照地質明落赤點於城西北色如硃砂長二里濶一二尺是
月臨漳有星長尺許白晝北飛十三年七月辛巳有星如盞
隕於沈丘蓮花集天鼓鳴十五年六月丙寅平陽晝隕星丁

卯辰刻有星如斗隕於平陰震響如雷十七年正月庚申有
星隕西寧衛大如月天鼓鳴二十年二月丙辰有三星隕圃
縣東南二十二年正月戊戌保定青山口有大飛星餘光若
尋長二十餘丈二十七年三月庚子蓋州衛天鼓鳴連隕大
星三三十年九月己未朔有大星見東南赤如血大如椀忽
化爲五中星更明久之會爲一大如麓辛巳有大小星數百
交錯行十月壬辰五更流星起中天光散七道有聲如雷三
十三年九月戊子有星如椀墜於南京龍江後營光如火至
地遊走如螢移時滅明日復有星如月從西北流至闕兵臺
分爲三墜地有聲十一月有星隕南京教場入地無跡三十
五年十一月癸巳有星隕於涇陽淳化諸縣大如章輪

尾長丈餘聲如轟雷三十八年二月癸酉有星大如斗墜
曲西北碎星不絕天鼓隨鳴四十一年正月戊子眞定天鼓
鳴流星晝隕有光四十三年三月戊申晝星墜清豐東流村
聲如雷四十六年十月辛酉有星如斗隕於南京安德門外
聲如霹靂化爲石重二十一斤天啓三年九月甲寅固原州
星隕如雨崇禎十四年有星隕高郵湖大如星十五年夏星
流如織十六年五月有星隕於西南前三星次第而隕每
一星後小星如雨十七年二月星隕如雨三月朔有星隕於

御河

雲氣有如帚如虹如匹布如魚鱗如臺閣諸狀而郁郁紛紛
蕭索輪囷者則爲慶雲史記看書皆刻於天文然五雲之見

甚少明實錄所載具有歲月太祖時四十餘見後稱希矣其
他蒼赤白黑占爲變異者詳五行志洪武四年四月辛丑五
色雲見戊申乙酉十一月壬戌五年正月庚午丙子六月辛
巳七月巳酉壬子八月巳亥六年六月丁丑七月癸卯七年
四月丙午五月丙戌癸巳甲午六月乙未乙卯七月己卯八
月辛酉八年正月壬申四月丁未五月庚午癸未六月壬辰
巳亥十月庚戌九年八月癸巳十四年九月甲申十五年正
月甲申五月庚申九月乙卯丙寅十一月辛酉十八年四月
癸巳乙未五月辛未甲申六月癸丑十九年九月壬午二十
年十一月丁亥五月乙酉二十七年六月乙卯竝如之永樂
元年六月甲寅日下五色雲見八月壬申日珥隨五色雲見

八年二月庚戌車駕次永安甸日下五色雲見十一年六月
戊申朔武當山頂五色雲見十七年九月丙辰十二月癸未
慶雲見二十二年十一月丙戌月下五色雲見洪熙元年二
月癸酉庚辰三月乙未俱五色雲見宣德二年十一月乙未
日下五色雲見四年六月戊子夜五色雲見十年三月丁亥
月生五色雲正統二年七月庚子月生五色雲十月己丑日
生五色雲十二月癸亥日生五色雲九年十一月甲午月生
五色雲十年九月丁酉日生五色雲十一月甲午月生五色
雲泰二年六月戊寅日生五色雲四年十一月丁卯月生
五色雲天順二年十月壬申四年十月戊午成化十一年正
月丙寅亦如之十八年十月庚午五色雲見於泰陵弘治二

年正月辛巳日生五色雲十四年三月巳酉朔如之嘉靖十
七年九月戊子日生五色雲十八年二月庚子朔當午日下
有五色雲見長徑二寸餘形如龍鳳萬曆五年六月庚辰祥
雲繞月天啓四年六月癸巳午刻南方五色雲見